

處州府志

ル 5

1573

4

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

門名 5
1373
4



處州府志卷之三

處州府知府元和潘紹詒重修

平封域志下

武義山川二

遂昌縣諸山發脈閩浦由仙霞嶺歷三衢入遂展嶂於
周公源洋溪源襟帶龍泉水流出王村口山復分支
於蔡源起蔡山九峯巖度青城山及大小梧桐山至
石飛嶺門頭嶺出口開一洋面為石練水出大田峽
口門合柘溪上游歷華洋直趨湖山眾水滙聚達於
衢城之樟樹潭此遂邑西鄉山川所謂分大末一隅

者共一出水也幹龍正支從周公口渡河起而爲黃
兆山伏而爲奔山過北起高坪歷廿三都復轉東至
梭溪源起小平田大平田至白馬山此正支幹龍實
爲婺紹之祖山也其餘諸山由龍泉貴義嶺而來者
爲遂之南鄉十四都源山水潑洄川行八十里歸於
邑南眠牛山下直出河頭與北溪合流由白馬山嶂
角雞鳴峯發脈而來者其源有二一從丁嶺分流而
下一從西嶺分流而下合於丁口行二十里至飛鶴
山前與南溪合流行十餘里復滙四都濂溪東注松
川枯水以達於甌江此邑城山水之出口也至縣城

諸山分脈於雞鳴峯擁護於貴義嶺重巒疊嶂離邑
十里起曾山過樟樹嶺發妙高山爲縣後龍中爲君
子山西則吳臯天馬月岫屏風北則兌谷南有拜山
爲案東有塔山爲內關其下則西明山爲重關此邑
會山勢之迴環拱揖棊置星羅也至白馬山之分行
於東北者近則唐山侵雲嶺爲縣城後蔽過東則由
尹公百丈陡起覆螺巖分入湯溪趨結婺州直達東
越而止障支旋繞過白沙源天塘嶺復起九雲峯背
分松宣面結四五各都爲東鄉轉北則爲應村白水
黃家源及礮竹雙溪口等地方崇山峻嶺深源長谷

奧衍七八十里山水滙聚於北界馬戍口歷靈山以

底龍游達於錢江此遂邑溪河分出於三口也遂志

瑞山邑東隔溪昔有紫雲呈瑞故名有煉丹井又以形

似曰眠牛山邑人吳志詩郊原雨足草連天耕盡人間幾許田今日更無人扣角隔溪閒藉

眠落花右為尖山左為塔山上有土鼓礮礮上有雙峯塔與尖

山對峙因名塔山遂志參通志飛鶴山縣東為邑左障

形如鶴張翅西明山在邑東二都山麓舊有清華

古閣今圯幘頭礮大溪中狀如幘頭水涸則見俱

縣東五里東闖巖峻壁若列屏頂墀平曠縣東之

勝印石礮其石巨而方下有飲馬池含輝洞初

號章仙洞以章思廉常住此又傳為宋高宗避敵之所紹興間邑

令劉邦光易今名刻於石壁有寺石門顏有三台巖

四時遊覽者不絕俱縣東十里靈泉洞在含輝上

形如船屋有泉出其間昔時嘗為曲水流觴有石枰

遺跡邑人王養端記畧按一統志遂去縣東十里有石洞二偃樓而入不數武高盈丈下可坐數十

人中有溜響如鳴琴多竅上出晶晶映日若天窻近

北緣擊而躡有洞側出蟠屈深廣石間微泉脉脉婉

轉堪為流觴曲水石壁少偏刻靈泉洞三大字大末

十八年瑞山道士所書按年號無大末屠隆詩云

餘舒咫尺開雙洞虛敞何年鑿五丁聞有羽人修玉

液久無雲屋貯仙經松間神霧寒長住石上靈泉瀉

不停天氣欲沉秋颯鐘山形似踞兩河合流之中

俱遂一平昌山兩山前後相疊形如昌字縣名本此

志

象紀宋王象之輿地紀勝謂俱邑東十五里 馬

昌山一名大君子小君子山 茶山長濂隔溪 三

鞍山狀似山麓長濂村鄭姓 台山 赤山 界石礮松陽界上其礮如鏡 林頭

巖 湖嶺俱邑東二十里 巖山下有普濟菴 斗米嶺

背有石穴可貯米斗餘俱邑東二十五里 滂嶺

尹公山隋大業中有尹姓者煉丹於此因名俱邑東

三十里 牛頭山邑東三十五里九峯層疊又名九

雲峯與松陽接壤世傳真人葉法善創菴於頂修煉

飛昇後人即菴建廟刻像奉之至今遇早迎像致禱輒應山有石子剖之包絡重若禹

餘糧又次第剖之中得小石紺白而圓相傳為真人 百丈巖削石凌空數百丈

碁子所化今不可得又有石蟹螺土人時得之

與尹公山對 天塘嶺其上又有九盤嶺路通宣平

俱邑東四十里 繩岡嶺邑東四十五里通湯溪

昇仙礮在清水源為仙女飛昇處其石上分下合履

跡宛然 龍礮昔時民居稠密俱遂志 土鼓山上有塔舊

志 俱邑東 拜山邑南隔溪林巒奮伏廻擁如向邑

俯拜龜礮在其下似龜浮水面 魚袋山溪澣象雙

魚袋與拜山對有神屢著靈異 峒曠山邑南七里曾山右

九蟠嶺屈曲九折最為鍾秀 蒙淤嶺邑南十里

五雲峯邑南二十里上建葉法善廟 有石龜洞試劍石

仙礮一名仙巖邑南三十里壬午岱崇山峻嶺至礮

忽平衍旁一礮如蹲獅張口中可容數百人祀神曰仙聖雲

兩立旁一峯上峻下嶄高數十丈土人稱為涼傘峯

貴義嶺邑南八十里 荷花礮邑西羅公堤外形

似 妙高山治西秀麗峻拔山之近而尊者中有松

隱禪院乾隆間知縣王愷建文昌閣於半麓道光年

址建妙高書院河東柳滋溥詩月淡山空露未晞箇中何物不禪機松濤隱隱傳天籟引得鐘聲到翠微

屏風山狀如玉展為邑西屏障 月山圓聳如滿

月通志在縣西四十五里 五龍山峯巒蜿蜒如龍翔集有般若菴

吳臯山舊志作吳高 邑西二里以吳姓居此得名 豹

隱洞邑西五里 樟樹嶺一名上壽嶺 曾山尖銳

聳拔俗名尖山有廣仁院 俱縣西十里 玉井峯邑西二十里

元尹六峯築會一堂 膏龍洞邑西二十五里 白馬山又名

丁公山相傳昔有丁公家山下喜跨白馬歿為神故

名自仙霞關發脈蜿蜒至此山頂遠見衢婺縣之鎮

山半山有兩湖上名大平田下名小平田大湖廣百

餘畝來無源去則滔滔不竭視之深數尺以十數丈

竹探之則不得其底止湖面細竹叢生往來者皆從

竹根上行其筍名羊尾左峯矗聳天半有上中下三

井皆潛龍之所雲常不散旱禱多驗若誤落鐵器則

風雹立至左右村落必遭其害上有叢祠會著靈異今圯 遂志參通志

四明屠隆詩青冥萬丈接丹梯山氣高寒鳥不啼
隱隱空中落鐘磬茫茫霞外擁招提上方只訝星河
近下嶺纔知雷電低太白胡 錢村嶺俱邑西三十

里 遂 筆架山雞鳴峯右以形名 挂榜山蓮花峯

左形勢端方舊名方山宋時里人登榜者衆因名挂

榜 魚山 高山 花峯 南樓峯 雞鳴峯 百

丈坑嶺疊嶂凌空石壁如削俱邑西四十里 蓮花

峯三秀峯峙似蓮花 幽嶺西四十五里外達柘溪

內通石練爲西鄉通衢 五雷山五峯聳列如屏中

峯絕頂平曠爲練溪鎮山左有洗頭巖相傳有仙女

洗頭於此 舊有寺今圮 梭溪嶺 樓峯 唐巾礮

紗帽礮麻陽溪中形似俱邑西五十里 百步嶺

去練溪三里 石飛嶺西六十餘里 湖山越王峯

名勝志縣 下 溪流分夾復合水口有石印礮方如印

在水中 三歸嶺俱邑西七十里 朱均嶺西七十

五里 碧秀嶺邑西八十里今稱盤溪 門頭嶺邑

西八十里閩浙通衢 弈山踰湖山五里許形勢高

峻中多平曠上有逆嶺 覆螺峯邑西離治八十里

相傳有白鶴仙人處其上頂有龍井近建廟禱雨輒

應 按遂志又載覆螺巖在邑東四十里傳有白鶴仙
人處其上近建三仙廟禱雨立應與此同疑是重

載 仙人石在尹宅磊石高數丈上大下小巉巖可

畏舊傳仙人過此叠石為戲故又名仙人叠石石旁有寺

名仙峯菴為尹堯菴讀書處獨山上有獨峯一名天馬山又名

小赤壁下臨潭石壁如削有棲靈巖石樓石戶石天

牕巔雲磴南有武夷洞仙梯石棋盤仙人濯足石及

青霞岡石釣臺勝絕萬狀 青城山上有飛瀑龍井

有相公巖僅一徑側足入巖中可藏數百人相傳里人避寇

者多有玉女峯芙蓉峯 石姥巖穹窿硯人跡罕

到間有樵者捫蘿而上言絕頂泉池有金色鯉又有

花一株青紅兩色俱邑西八十里 黃兆山舊志作黃山

西八十五里舊名欖榔尖上有廓然亭 蔡山世傳五代

時蔡姓兄弟居此 琴山在周公口狀似 周公嶺

船山巖壑秀美上有棋枰石方丈餘平如砥後闢

一湖曰天池廣袤數畝亢旱不竭 仙鶯洞兩井上

飛瀑如布旁皆石壁深邃危險龍常蟄焉禱雨者見

白鶯出井方得雨俱邑西九十里 九峯巖有九巖

各廣三丈許石壁險峻罕有至者上有龍井亦名丹

井狀如甕元至正間有道人廬其上修為奔山屏障

旱禱多應 石門洞在蔡山之源石門高廣丈餘深

不測昔浮圖氏秉燭入經一晝夜倏聞風聲寒凜而止 洞外有竹風起則枝

梢鼓舞掃地洞前潔淨無塵 洞峯嶺孤峯峻聳如

插青天 龍門嶺石磴鬼峩行者甚艱若登龍門俱

邑西百里 石馬嶺 出風礮下有小洞從巔通麓

深邃常有風出如扇俱邑西一百十里 大方山

小方山高萬餘丈絕頂平曠數百畝外望之如方石

又號玉屏風 關堂隘界龍泉詳關隘俱邑西百二十

里 金溪十峯曰芙蓉曰梅花曰文筆曰錦屏曰金

鷲曰玉蟬曰展誥曰紫駝曰疊秀曰獨對郡守許國忠詩云振

衣凌秋空危標出天表千林綴紺楓萬壑叢蒼篠重

嶂互盤旋潏蕩失昏曉突兀芙蓉峯梅花相對翫展

筆插青霄錦屏將翠遠金鷲直北飛玉蟬向西繞展

誥碧雲封紫駝青霧杳疊秀何透迤獨對自窈窕十

峯鬱嵯峨四顧神飛矯瀑布瀉深泓斜陽留樹杪涼

風兩腋生明月萬川皎我來秋氣清况復秋色縹涼

觀天宇寬俯視塵寰小停驂龍鼻頭靜聽喧竹鳥行

役苦匆匆游思殊未了邑人黃中芙蓉峯詩云突兀

東南玉削成雲來一片在虛冥巨靈劈作花千瓣悵

望秋天無賴青梅峯云何處飛來雪裏花碧霄片

片出簷牙清芬常帶烟嵐氣不管人間有歲華文筆

淋瀝處滿眼雲烟綠字文錦屏峯云紫氣重繡作

堆當空一片畫圖開晴雲半抹峯頭出玉几移將天

上來金鷲峯云勁翮飛天不賴風翩翩直北下雲中

楮邱願得為形陣縱寫黃庭不賴風翩翩直北下雲中

雙雙接翅飛共言天上抱花歸廣寒高處偏多露日

午門前晒粉衣展誥峯云木鳳金泥濕紫鸞雙尖對

閣落雲端尋常曠有烟嵐護不許人間俗眼看紫駝

峯云青海南來忘却年一鞍高聳入雲烟日行千里

不歸去驀得山中奔有異泉疊秀峯云羣峯簇簇下

門遠勢渾疑六馬奔一片晴光迷滿眼那知紫翠變

朝昏獨對峯云獨對峯前萬樹春青天矯矯出風塵

試看禁苑千官集爭羨丹墀獨對人劉芳金溪行云

金溪環抱一重重雲間朶落青芙蓉山如稱秀

絕菡萏簇瓣爭奇峯蓬壺未入海中去層巒都向村

邊住東西遠見田每每朝暮坐看雲處處此地舊為
御史居十峯濟濟人魚山靈鍾出英才多五馬流
傳甲第峩峩行玉筆金鸞相輝映梅花展詰豈訛紫駢
崔巍潛龍行玉螭縹緲歸巖阿佳氣應時人地傑美
名弈世啟新歌當年我祖珥簪筆臺閣精華恆著述
點綴巒光舒畫屏賞心巖岫編詩帙雙尖壁立數千
尋直上雲端捧曉日平遠樓頭企望遙羣巒帳
下人寥寥暗祝化工開景運芬芳不讓古人標坑

西隘路通江浦 礮口隘界連龍浦俱詳關隘俱縣西百

四十里 大樓巖崇十仞廣五尋飛瀑四時不竭冬

則凝結倒懸如玉浮圖其下灌木叢篠積雪堅壯若

瑤林崑岫相聯屬春半暄暖冰柱墜叢薄聲震澗谷

為龍湫者三十六奇勝為一邑冠集紀龍安洞即洛涪洞

崇十五丈廣尋半深莫測南對大樓巖巖頂飛瀑流

濺下為三十泓第四泓號龍井廣延皆二丈三面石

壁如削旁有龕昔淨空禪師嘗戒定其中見泓有黃

受紙獻無得踰三百至今禱者投紙於泓過數則浮

而抵山麓二十餘里至風巖源又西數里為宏坑從

村南岡脊燃茅穿石蜿蜒而行里許先至一洞深可

旋舟高容豎轟即大樓巖也上有飛瀑下垂洞口或

散如飛霰或灑如過霖索索淙淙四時不絕隔島望

之若陰晴異景塵凡殊界者乃龍安洞也時有黃龍

出沒其間世人雲雨無有不驗已從洞東舊路轉折

而南過木瓜洋下木岱嶺俯俱邑西百五十里祝

瞰周公一源上下可數百里

師嶺一名毛洋嶺西百六十里 吳台嶺一名周公

嶺通三衢 潘接嶺一名尹宅嶺俱邑西百七十里

君子山治北隅右舊志治西山麓多士夫家故名

又名城山 仙姑巖一名石母巖邑西北五十里廣

數十丈巖前石壁千仞無徑可達土人攀蘿而上有

石門石香爐等跡內產石大如丸小如珠圓滑可愛

金鐘巖近仙姑巖形似山腹有洞深廣可坐數十

人洞頂有微隙如珠四時滴泉不竭 書卷山北門

外里許狀如書卷 兌谷山 梅山邑北一里濟川

橋上游峯巒聳特為邑北障 葉町淨居山邑北五

里有丹 東峯嶺邑北十里 侵雲嶺邑北十五里

下有馬埠 唐山邑北十八里有虎跑邱歲旱不竭

舊有翠 山北二峯卓峙一名觀音峯一名羅漢峯

詳事

方外 邑人包萬有記唐山於枯蒼山為小祖山晚

唐時僧貫休結庵於此居十四年後遊吳越王所又

應西蜀王召而去頗為王衍待遇賜紫衣號禪月大

師唐山與羅漢之名本此其路從齊坑山後後人以

東梅嶺遠復又關東門塢里上之有半山亭又上有

羅漢峯與觀音峯對峙峯上為香爐岡有亭香爐岡

而內為虎跑邱有泉相傳為虎跑出羣峯上蟠眾阜

下距外寬內密自為一區好事者謂廬山有香爐峯

虎溪栗里此足擬其勝云昔人又稱羅漢為翠峯觀

音為碧峯於禪月庵邊遺址創庵曰翠峯庵最下

庵稱寺外此為龍湫遇大雨則澎湃擊石其下如練或

濺如珠瀑為龍湫遇大雨則澎湃擊石其下如練或

有龍窩六月常雨雹北過而下復有峯曰鈞礮又

折有石洞幽深險窄人不敢入從旁援而上至洞

春壁立數仞俯視悸不自保殿前有方沼有亭清澈

可挹常畜金鯽百數尾聞木魚聲聚而就食其地高

氣寒又多飛霧器用衣巾時濕如沐列風暴發滿山

松篁相撼若怒濤非氣完神足者不敢久居也余輒

寥廓欣然會心物我俱忘菴之對有小麓作小亭曰
 嘯亭傲孫登之高嘯也釋貫休山居詩五首誰是
 言休即便休高吟靜坐碧峯頭三間茅屋無人到十
 里松林獨自游明月清風宗炳社夕陽秋色庾公樓
 修心未到無心地萬種千般逐水疏疎雨五嶽烟霞連不
 斷三山洞穴去應通石窻欹枕疎疎雨五嶽烟霞連不
 浩風童子念經深竹裏獼猴拾蠅夕陽中因嗟往事
 拋心力六七年來楚水東翠賣烟霞畫不成桂花瀑
 沫雜芳馨撥霞掃雪和雲母掘石移床得茯苓好鳥
 似花窺玉磬嫩苔如水沒金瓶從他人歎從他笑地
 覆天翻也只甯自古浮華能幾幾游波終日去滔滔
 漢王廢院生秋草吳主荒宮入夜濤滿屋黃金機不
 息一頭白髮氣猶高豈知物外金仙子甘露天香滴
 毳袍自休自了自安排常願居山事偶諧僧採樹皮
 臨絕壑猿爭山果落空街閑擔茶器緣青嶂靜納禪
 袍坐綠崖虛作新詩反招隱出來多與此心乖
 令鍾宇瀉九日登唐山詩浮世有代變青山無古今
 路迴羣巘合池古劫灰沉酒醉菜黃色人分薛荔陰
 白雲堪睥睨無語自禪心胡恆詩路倚層巖鳥去
 邊怪從絕頂見平田雲扶崖置松間屋虎為僧跑石

上泉小憩池塘涼瀉影閒看水確溼春烟諸君物外
 同深趣書幌繩床借坐眠邑人黃九津詩石磴岩
 堯路幾盤精藍孤聳入雲端梵音飄渺諸天近樹色
 微茫下界寬塵袂半沾嵐氣濕風林乍掩葉聲乾香
 厨不用留僧供尸東梅嶺邑北二十里上有三十
 外羣峯秀可餐

六曲盤繞險阻下嶺百餘步又有夏口嶺亦然邑人項天
 衡詩蘭若隱千嶂松龕燃一燈牆低將並榻殿古欲
 依藤盡說身為礙相攜息未能年來解枯淡聊復在
 家僧金石巖邑北二十五里唐未邑簿張其嶺出泉

成池歲常不竭北界隘京省通衢馬戍嶺石

鼓磴有石高丈許擊之聲如鼓大鼓嶺俱邑北四

十里小谷嶺大谷嶺西舊志作大延長率律數倍

大谷路通龍游新嶺北六十里又名赤津嶺今屬

龍游 銀嶺 高坪隘萬山巔詳關隘 俱邑北八十里

天師礮邑北桐樹源口舊傳天師從源頭驅石至

此聞雞鳴舍去至今源口大石盈畝按舊志有梧桐源而無桐樹源

梧桐源有二一在邑東一在邑西而無邑北 石梯峯峯巒卓絕登之衢

栝隱約可見

雙溪邑東前後兩溪至此合流而東下故名一在邑西

遂志 按名勝志魚岱山下湖山溪金溪二水合流達衢州入浙江而舊志乃不載湖山溪 後

溪在雙溪上 呂川雙溪橋東俗名呂村 塔潭邑東塔

山下 千人潭邑東三里元末明初山寇屢發官兵與戰於此殺傷溺死者甚

衆故 名 幞頭潭邑東五里幞頭礮下 航川潭邑東

十里西明山下 航川一名航頭前有深潭澄澈無

底邑人葉可權航川八景詩東閣曉雲云瞰光穿林

鶴初醒薄雲浮空結虛曠老仙醉卧石室深起來

但覺衣裳冷清華秋月云飛閣峩峩瞰空碧清氣逼

人風露寂望舒駕月行青溟滿地金波悄無迹天色

如水空塵埃寒光透室秋徘徊姮娥對鏡作隊舞青

鸞飛上瓊瑤臺釣魚清風云老翁扁舟弄明月洲渚

無人鳥飛絕清風凜凜醒醉魂華髮蕭蕭吹白雪白

魚如玉蘆花飛白浪萬頃堆琉璃雲臺舊業付流水

蒼苔磯 濂溪其水西流屈曲環抱 玉泉赤山

下泉從山隙迸出清冷異常遇暑旱其流愈大俱邑

東二十里 梧桐溪邑東三十里 祥川 天塘源

牛頭山上首發於九盤嶺出口與白沙源合流 白

沙源至古亭莊下入大溪俱邑東四十里 四都源

邑東四十餘里發於治嶺頭等處至長濂出口深
 坑源邑東四十五里出繩岡嶺至龍口出大溪赤
 葉源邑東六十里至鐘山入大溪官潭邑南拜山
 下又名射圃潭銅鉢潭邑南二十五里有泉三泓
 形圓如鉢上通源邑南百二十里自龍泉分水北
 行八十里至縣又東合於後溪鐵爐潭邑西五里
 許泗洲潭邑西十里柘溪雞鳴峯側山水秀麗
 地夷田腴民居比密雙溪兩水夾流有橋後溪
 源俱邑西四十里練溪邑西五十里山川形勝與
 富陽相似明崇貞間議建縣不果然峯巒攢秀地輿

舒敞實冠一邑

邑人項應祥有練溪八景詩其大畝

含忘帝力天籟響山溪龍門靈湫云遐源分 積石下與百川通白日起蛟電飛騰凌太空 梭溪

邑西六十里丁嶺下綠迴潭一村皆灘惟此綠波

迴旋深不可測羅嶂源俱邑西七十里梧桐源

西七十五里有大梧桐小梧桐西流至衢州盤溪

碧秀嶺下柘上源邑西八十里上接浦城畧網源

西流會蔡源洋溪西行至衢琴溪邑西九十里周

公口因上有琴山故名本源及王溪柘溪之水皆聚

於此為三衢上游金溪邑西百四十里上有十峯

湯溪在邑大田巡門山下深潭之側水温如湯

梅溪邑北梅山之陽二水環匯植梅茂盛故名 虎
 跑泉在唐山淵廣五畝歲旱不竭 石倉潭邑北二
 十里 官溪邑北三十里為往京省必由之路 桃
 溪 龍聰潭中有一竅四圍水旋入焉莫知去流之
 處常有龍浮於上俱邑北四十里 馬戍源邑北八
 十里 桃溪源邑北百里合白水源馬埠官溪大小
 侯入大溪歷靈山北行

龍泉縣九姑山在舊縣治北百餘步 上有最高亭 北山

縣北二里 山左胡仲淵居俗稱胡府山 張裊嶺縣北五里 石

馬山縣北十五里峯巒秀聳為一邑羣山之祖上有

石龍湫有文筆秀才二峯 屏山縣北三十里 擔

石嶺縣北三十五里 吳岱嶺縣北六十里通遂昌

黃鶴嶺縣北八十里 舊傳有仙騎黃鶴駐此 寶峯 金雞

磴 玉犬磴俱縣北以形類名 詳古蹟 清修山縣東

北二里以寺名寺有駐錫井 詳古蹟 寶傘山縣東北

十里狀如寶蓋 周霧占鶴仙山 仙棋山 屏風

山 留地會山 鷹巖 胡尖山有佛像俱縣東北

壺峯山有石如人形號石佛祈禱輒應 黃麻尖

山陽有石燕洞雷雨晦冥則出洞羣飛俱縣東北

安鐘原山在縣東北三十里 金鼇山縣東一里山

自石馬發脈迤邐至此偪溪而止勢猶鼇脊稍露又
名鼇峯有崇因寺 楊梅嶺縣東二十五里嶺下有泉一

窪沃楊梅可旬日不壞 金岱山縣東三十里山石

大小皆中虛搖則有聲剖視之如榴子元季山巔立寨 石

房山即獨山縣東四十里狀如房旁有獨山鋪 烏尖山

縣東五十餘里 蛤湖嶺縣東六十里 大石嶺縣

東七十里 黃礮以色名 吳四嶺縣東百二十里

武溪嶺縣東與雲和分界 武曲山縣東南十里

為武潭祖山中峯突起狀如覆釜左右羣峯秀峭如

筆地理家稱為武曲 閭門嶺 峯門嶺 石門嶺

礮門嶺俱東南六十里 大舍嶺 龍巖嶺 上

管嶺東南百里三嶺極高峻民多勇悍縣東南 碁

盤山縣南三里許上有砭石狀如削成 龍山頂有

巨石危然廣一二丈類碁盤前有毘盧庵 金沙山下有

澗沙赤如金山坳有崇仁寺有塔 俱縣南四里 葫蘆嶺 筆

峯嶺 佛山舊有寨 又名石棋山明舊志 宏山上有皇

庭巖平曠如地四面險峻舊傳宋幼主過闔立寨屯兵月餘 山前有

碧潭上有吳太保廟五顯遺蹟 龍志 俱縣南十里 汰石嶺縣南

十五里 石獅山形如獅 天堂山今名天茶嶺半有盤

茶王殿 嶺前有流水曲澗俱縣南十五里 羹窰嶺縣

南十七里 豫章山 唐時出銅 凌雲山 有真人殿 香山 有香

寺山 楹山 筆架山 三峯秀拔 縣學面此 俱縣南二

十里 天馬山 狀如馬 縣南二十五里 瀆田嶺 舊志

作獨 縣南三十里 佛巖 有佛山寨傍巖架 寶蓋

巖 古來山 縣南四十里 頂有名巖寺 葉子奇有

來仙翁 覓奇絕 坐學瞿曇 雪山高 于最上 求一乘

卻向尋常 得真訣 北斗非獨可 面南片月 由來亦能

熱只今 此語舉誰 是鐵笛一聲 山石裂 天鯨云石竹

蒼寒嘯 山鬼四面 如浪搖滄海 老鯨躍出 萬丈深餘

吼悠揚 落雲裏 昔曾夜向山 中宿清我 幽情淡秋水

空憶聲 聞起耳 根在青山 阿誰知 真質具宮徵 叩之

石探未 盡至寶 遺在青 山阿誰 知真質 具宮徵 叩之

可節商 聲歌近 蒼苔封 蝕春秋 多桃花 流水云漁郎

何事無 藏機桃 源遂使 人間知 武陵老 仙亦欠 事水

流卻遣 飛花隨 此間別 有天一 片松蘿 漠漠開 烟霏

外人無 用問服 食胡麻 飯熟燕 青肥東 井云東 井蒼

蒼三十 度漢祖 當年五 星聚流 清漱潤 四百年 散作

餘甘到 蓮宇碧 發生寒 月光夕 紫苔滴 秋露華 曙八

功德備 出繇來 莫行羸 馭空射 鮒天瓢 云汗尊 環飲

自酒古 鑿井作 穴為孟 嬰一瓢 已自就 簡便後 來雕

鏤何分 行飲食 不改道 義樂濩 落孰與 江湖爭 今于

山曲見 遺跡一 窪坐鑑 秋渚呼 猿洞云 飛來峯 頭

樹如戟 野猿聽 呼似相 識古來 山頂石 洞幽縱 是千

呼猿不 出朝三 賦芋怒 相何有 峽口聞 聲淚應 滴山人

去後不 受呼萬 壑千崖 暮烟碧 笑一聞 聲云好 山未盡

涼樹頭花落池水香遊魚纖巨一數萬象毫髮森
 森張習家能使醉扶首夢草亦解詩成章怪來清可
 動毛骨對此興味何其長雲山石屋云碧湫龍起雨
 如嘯亂雲直欲無南山龍歸雲捲山復出半間石屋
 俱寬閑涼滿竹房秋氣蚤高逢石壁磬聲還老僧經
 罷還歸定滄海騰騰月一彎迴風洞云長時洞口迴
 風起往往吹花去千里何當六月來此遊坐使炎蒸
 氣如水名山絕景天所秘道人幽探至于此耳清靈
 籟洞天閑細把調才語莊子掌中世界云醯雞以養
 為天地自謂羣飛浩無際豈知天上視人間還似醯
 雞甕中耳以謂羣飛浩無際豈知天上視人間還似醯
 毫末小泰山不見豨苓有時帝鸚鵡臺云隴西靈禽
 雪為羽利舌調音學人語何年西飛隴西去空有遺
 臺鎖風雨蒼苔數點長自春修竹千竿淡無暑因思
 瀾子舊時洲春草萋萋動酸楚赤城洞天云芙蓉城
 深花冥冥仙子每夜吹瓊笙松花酒熟不厭傾朱顏
 千載如春醒東風滿谷生黃精雲根瑤草亦已青欲
 招羣真宴蓬瀛寄書千萬煩雙成石門茅屋云藤蘿
 抱石門自牢茅屋惟怕秋風高落花芳草生幽獨清
 風白晝何蕭騷山中無地著野馬世間萬事如牛毛

不見崇墉貯歌舞春風容易長蓬蒿古零壇云風零
 之詠獨與點後來繼者知其誰不知程子竟何樂便
 解弄月吟風歸脫然超出萬物表浩與天地
 同其歸世間功業亦偶爾一塵颺在虛空飛 查田

嶺 大馬鞍山俱縣南六十里 大梅嶺 高驛山

勢如蛟龍伸舒狀臺湖立前疏華障後極為峻拔

天竺山 臺湖山大溪源出此俱縣南七十里 小

梅嶺縣南七十二里界慶元 疏華山亦名仙山凡

登者自朝至暮乃達巔際上有長湖深不可測水委

蛇數十里始出大溪 下為疏田有青器窰久廢 九際山上有九

井皆頑石水漩而成者各廣袤數丈深不測龍居之

瀑水自巖頂下似簾巖半有水簾洞中有石如觀音

左右列善童龍女鄉人齋戒往拜則水簾分飛石像

宛然有頃水合稍不敬則不得見欲詣其巔雖盛暑

必挾纒亢旱祈禱輒雨有感應龍王廟俱縣南百里俱龍志

白馬仙山縣西南十五里高出萬峯上有日月池又

有方石形如骰子不言滿前皆是有聲即無所見舊

小庵白鶴仙座祈夢有驗鳥阜山有白鶴仙煉丹故址石川大垵山縣

西南二十五里萬峯之頂突開平地蒼松古藤圍抱

如城石龍嶺山甚高去上數尺多白石如蛟龍蟠

結之狀長丈餘大合抱瑩潔如玉縣西南天台山

縣西二里秀拔為一邑勝山下有寺頂有疊障亭右為桃源山

有桃源洞相傳中有小澗春水時桃花片流出洞門北一

爐似石非石瑩白可愛鳳凰山縣西四里勢如翔鳳有披雲橋有庵

有報恩光寺龜山下有石如龜飛鳳山山麓有大樟

樹輪囷百圍披蟠十畝傳自晉天福二年臨將李公魯所樹中立社稷廟神甚靈

龜峯山宋侍郎季公鏞與其弟錢闢其頂為書院山之旁構小庵祀其父少師衍名積善堂

即黃嶺頭庵是也白雲巖白水村頭上有五顯廟遇早祈禱輒應舊傳宋德祐

中幼主入閩過此日暮屯其上俾人就溪各負一石為壘今猶存而廟即其所奉香火宋管師復隱此

上有雲塢邑人吳志健雲塢春犁詩村林桑柘綠陰齊滿塢雲深夕照低布穀一聲春雨足隴

頭耕破落花泥玉峯滴水巖仙巖局下滴水巖巖

上四季有水滴流下有泗洲佛殿蓮花巖峯巒秀麗狀若

蓮花 磊珠巖 巖峯 白頭礮 騎馬礮俱縣西

盧斗溪中 牛頭嶺 香楠山下有祐聖祠 湖山俱縣

西十里 新嶺 半月山形似舊有人修煉於此歷數世鄉人常見之後

乘鶴去 俱縣西二十里 昂山青壁聳削雲氣冥晦頂

有石方丈餘如几上有古刻雲臺二字旁有石道士

石棺石厨石牀石屏之類葉子奇詩昂山青削入雲霄五月風高雪欲飄應有

仙人騎白鶴月明聞得夜吹簫 姥嶺嶺側有泉味甘俱縣西三十

里 朱嶺 石笏山旁有石形似西四十五里 鳳

音山上有石庵 舊傳有鳳鳴於此舊志又有鳳音巖亦在九都云礮石上有佛影

鄉人於此祈禱有應疑復出 毓秀山蔚然如畫有龍翔鳳翥之

勢 孝義山上有孝女張夫人廟宋孝童盧猛亦居

此唐地理志云出銅又名銅山今廢俱縣西四十里

俱龍志 漿溪嶺縣西六十里 西山縣西七十里界

連木岱嶺口下有宋真德秀舊宅後徙浦城族人仍居於此 巖山縣西七

十五里山有石鼓旗舊傳此山脈連建甯或置竈燒炭建甯必火元時建人倍價以

償之 木岱嶺縣西八十里 王華山元季李昇隱此 落

崖嶺 石龍嶺嶺有礮黑質白章故名俱縣西九十

里 匡山縣西百二十里四旁奮起中窻下狀如箕

匡元季章盜隱此 仙山縣西百五十餘里界遂昌浦城山

腰有石如棺扣之空響山頂有石平廣中有石窪積

水一掬冬夏不竭又有香爐遺蹟遇旱取水祈求輒應 馬蹄礮上有

馬蹄跡舊傳有異人乘白馬從此飛空 新嶺鳳凰

山距縣四十五里山水秀麗 仙蹟礮在縣西十一

都山頂巨石高七八丈不可登陟好事者緣木而升

上有二巨人跡 烏石山縣西北一里山多巉石色

烏 金堂山地接昂峯白馬寨來空巖峭壁之下平

地濶將十畝 呂峯山頂有大香爐三祈雨有應

釣魚山一山長下垂一山伏似魚上游故名 大坦

嶺路通江閩 稽留山 龔村嶺鼓樓設此 大黃柵嶺

南嶺 獨山 瑞竹洋 柱田 老嶺 岱根嶺

俱舊志 石澗山在魚公水口兩山峭壁岵呀萬木陰

森有水從巖出高十數丈聲噌吰聞數里下有深潭

澄瀾清澈龍志

靈溪一名槎溪治前數百武又名槎溪亦曰大溪上流

合秦蔣為一中夾長洲為兩派約一二里下復合流

以達於海昔傳有仙乘槎泛水因留為洲故洲名仙

洲溪名靈溪龍志參通志 小梅川小梅西抵關口與福

建分水下松溪東下查田 蜚溪四都 俞溪四都 豫章川

豫章北出豫章口 秦溪源發縣南下與蔣溪合流

大溪十七都 劍池湖南五里週迴十數畝旁有七井如

七星之布在南山側今存一餘為官田 蘭溪徐應

上瀨船湖波新漲雨劍氣尚衝天萬樹鳴秋 張湖

宏山官路外湖心有礮礮側有泉湧出大旱不竭

廖湖劍池湖上 晉瀨湖菱窰嶺下 礮湖臺湖俱

縣南 寶溪水西南下浦城 橫溪上有橋七都漿溪

八都錦川出牛頭嶺下合流以趨蔣溪 住溪十二都蔣

溪與秦溪合十八都石川縣西二十五里有感應社居民奉五稷帝

為香火祈禱神應 桑溪昂山水經此至松渠出溪口 昂溪發源三徑

經桑溪入大溪見通志 仙湖 仰天湖方濶三丈冬

夏則水不竭俱龍志 李家塢在吉安南源自小梅來

西源自木岱來兩水夾塢濶三十餘畝塢畔有山

亦在水口中其東岸峭壁以獅象捍水口 大貴溪

縣北六十里源自西北山坑東南出梧桐口入大溪

安鍾源北為黃鶴嶺山下諸水咸會於梧桐口入

大溪 甸川縣東二里 白雁溪十九都道泰溪十九都

武溪二十都路通雲和 大石溪二十都杜郊溪二十都安

仁溪二十都出安仁口合流以趨武溪 安福溪二十都

鐵杓溪二十都蛤湖二十都落雁湖二十都張湖十七都月

池在治東隅方池水僅尺許清潔可愛離池二丈餘

有井深二三丈亢旱井涸而池波如故 仙人池石

鼓山巔水泉湧出四時不竭遇旱汲水雪禱有應

清心泉在大石明邑令鄭奎光記余往返郡城信宿

雲和分治處循堤而上徑轉溪迴約九里許將抵邑

大石鋪道左有石縱可八九丈橫如之如踞如揖余

因匆匆戒途未遑脩元章禮也今歲八月之望復以

命從者援荆捫蘿別苔剝蘚得二字曰清心泉左方

仍得水字一皆適勁有古法欲尋登識歲月漫漶無

有石下鱗竇滄泓足潤焦澆

敵前則溪流湯湯一瀉千里

稽聖潭舊有橋巨縣學水口以故有宋人才特盛後廢

崇貞間邑令鄭奎光倡議復建以陞任去未就下為

大沙窰外為大沙渡先邑人推官張泰建明邑人陳

尚誠重修 大寺口潭 黃鄆潭 楊塢潭 馬埠

潭 武潭 臨江潭 賊退潭 楊林潭 橋坑口

潭 梧桐口潭 周垵潭 湖頭潭 沙潭 鐵杓

潭 楊梅潭 箬篙潭 獨山潭 大白雁口潭

殊均潭 洋口潭 道泰口潭 綠繞潭 張坂潭

蛤湖潭 因溪垵潭 鋸樹下潭 安福口潭

安仁口潭 大箕垵潭 丁村潭 大石潭 大箬

潭 紅灘潭 埠剝口潭 九里潭 七尺潭 梓

坊潭 湯浩門潭 礮空潭 小牛潭 大金灘頭

潭 大金灘下潭 金水灘頭潭以上係東北 河

馱渡潭 石師公潭 塘田潭 宏山碧潭 官陂

底潭 辣潭 石獅潭 鄭岸潭 晉瀨潭 菱窰
 嶺下潭 梅垵潭 豫章口潭 鬼石潭 石坑口
 潭 港口潭 黃礮研下潭 獨田潭 魚路下潭
 潭 礮湖潭 青葱潭 青坑潭 牛頭頸潭 住田
 潭 明教堂口潭 蜚溪潭 藤灘鋪口潭 竹洲
 潭 黃井潭 船灘潭 查田嶺脚潭 俞溪口潭
 螳螂口潭 彎潭 下保潭 金礮潭 石壁潭
 割公廟潭 以上係西南
水通慶元 香山寺口潭 安吉潭
 礮門潭 長潭 過路源潭 鱸魚潭 石龍潭
 夫人潭 溪口潭 火把潭 黃灣埠頭潭 以上
係西

上水通九
都埠頭

花瀝灘在槎洲東南多五色石 聖潭灘 黃郛灘
 楊塢灘 馬埠灘 茶寮灘 臨江灘 賊退灘
 橋坑口灘 均瀨灘 梧桐灘 周垵灘 管灘
 沙潭灘 鐵杓灘 楊梅灘 礮碓灘 何灣灘
 箬篙灘 沈礮灘 烏寮灘 獨山灘 硃均灘
 靈洋灘 道泰口灘 綠繞灘 張坂灘 蛤湖灘
 因溪垵灘 安福口灘 黃窰灘 丁村灘 大
 石灘 大箬灘 冷水灘 洪灘 塢剩口灘 武
 溪灘 互甚灘 七尺灘 何廟灘 斗窰灘 斑

竹灘	梓坊口灘	杜郊口灘	湯界首灘	湯浩	
門灘	湯婆灘	龔空下灘	大牛灘	小牛灘	
小金灘	<small>以上係東北下水接雲和</small>	西寺口灘	南甸灘	師公	
灘	小橫灘	塘田灘	宏山灘	瓦窰口灘	派
田灘	辣潭灘	石師灘	鄭岸灘	晉瀨湖口灘	
雞林灘	菱窰嶺下灘	饅頭灘	梅洋灘	礪	
碗灘	豫章口灘	鬼石灘	上欄灘	石坑口灘	
<small>以上係西南上水至十五都雙溪口</small>	黃路灘	獨田灘	八索灘		
魚路灘	礪湖灘	老鴉灘	青葱灘	道士鈴灘	
樟樹灘	青坑灘	牛頭頸灘	住田灘	明教	

堂口灘	蜚溪灘	坑里灘	藤灘	赤淤灘	黃
井灘	船灘	查田嶺下灘	魚頭灘	俞溪灘	
鋸樹灘	螳螂斗灘	瓦墘下灘	彎潭陂下灘		
下保灘	磨灘	金淨灘	查田灘	<small>以上係南上水灘至三都查田</small>	
<small>通慶元</small>	香山寺口灘	響板灘	安吉灘	礪衍灘	
白頭灘	里瀨灘	礪門灘	藤潭上灘	過路	
源灘	盧壕灘	石龍灘	夫人灘	層衢口灘	
鷓鴣灘	火把灘	<small>以上係西上水至九都埠頭</small>			

宋龔原治灘記括屬縣大溪三皆會于麗由芝達甌入海暗崖積石相蹙成灘舟行崎嶇動輒破碎蓋嘗變色而惴栗失聲而叫號冀得萬一無它以訖所濟然為上者每聞覆溺事則曰此險也殆非人力可施

恬不為怪元祐六年冬左朝散郎會稽關公來守是
邦視事之暇披諸邑圖而觀之曰嘻奚灘之多也水
行阻深一至于此欲去害與利顧有甚于是耶使俯
有力仰有餘余不致後言一傳旬浹四境聞者欣然
濬吾州灘會平矣明年春龍泉比公以上部使者且願農
他邑亦繼有請冀與龍泉比公以役付尉隨遠近劇易
隙行下及期按圖以事屬令以役付尉隨遠近劇易
並作疏濬排鑿繼以淬銀顧力不可加乃已為上下
港以便往來或兩岸嶄絕路斷則劇以通挽役並城
者躬往省焉而稿其勤起七月戊申逮以十二月壬
申畢合百六十有五灘龍泉居其半縉雲亦五之一
凡昔所難盡成安流舟晝夜行無復激射覆溺之虞
郡人相與語曰遺此險幾百年歲敗舟幾百至以
溺死者又幾何人自今計之其利為何如舊傳縉雲
麗水間苦水怪有惡名唐太守投成式至害遂息更
稱好溪今灘復治何斯民之重幸也君子之于事苟
可以為人務盡心焉而後已漢之治水者嘗鑄底柱
矣而水益怒以不善其事也公于是役因民之力授
吏以方未半歲諸邑告就緒而水行者賴焉惟存心
仁處事當故成功不難余方與郡人蒙賜無窮復言

操筆載始末竊懷不自
已系之以詩 詩不載

慶元縣環邑皆山而山脈導於西南自巒頭東歷梅坳

東南折為溫陽又東南轉為白雲山又正南折為廻

龍洞又南轉為冠倉又南起為天馬是為邑之面山

南去五十里為白巖山福建政和縣界西去四十里為跪爐

山福建松溪縣界是為邑之右臂北去七十里為馬鞍山龍泉

縣東去九十里為萬里林山福建壽甯縣界是為邑之左臂

大溪自東以北至濛洲與蓋竹水合復受交劍水經

石壁而西奔駛下注會濟川支流旋繞縣後復西合

竹溪水匯入龍潭達槎溪與芸洲水合循棘蘭西繞

過新窰北受竹口委流胥入於閩惟梅溪之水從潭瀉出過頭陀峽直下查田達龍泉趨郡城入於海

雲鶴山自天馬發脉而下由西南飛翥入城結為縣治山麓為龜山 南壇岡濟川門外 赤搏嶺 霞帔

山晨曦輝映燦如金碧 天馬山與霞帔連俱縣南七里 彙紀 南山縣南十里 派石坑縣南二十里

慶志 烏蜂山 三都有梵公聖者廟早禱立應或不潔入廟羣蜂擁至因名 馬蹄

巖 三都 白雲洞 三都 巉石嵌空素有白雲上覆 迴龍山 都如伏龍有鶴洞瀑布試劍石 山岡山 三都 又名仙

山有禱輒應 白巖山縣南五十里界政和 百花

巖 三都 花卉繁盛黃公結廬其上二十餘年坐化於此

今石上有鈴刀痕 僊桃山縣東南十五里 舊志二十里 通志仙桃山在 高出羣峯 昔有仙廬其上 鐵旗山

縣西董山之西 一都下管徐應亨詩迢遞松源縣盤回翠都松源山 霽中雪濤噴遠白霜葉墮疏紅仙境千崖

合人煙一境通隔村 道人洞 一都 半月山 一都 上管後擁羣峯吳 黃公山縣東五里即黃公寨遠視如氏世居其下

屏 應嶺縣東七十里橫轟雲際如列戟 石壁山 都石筍凌空邑東關阻 蓋竹嶺上為喜鵲隘俱縣東十里 石梯嶺縣東二十五里 石記岱嶺 梧

桐嶺通景甯界 椿杵嶺 喬陌嶺 大保嶺俱縣

東三十里 林草坑嶺縣東三十五里 榭坳都二音
多榭樹均脊有溪 朱均嶺 青草嶺 打磚嶺俱
縣東五十里 百花嶺 滌頭均嶺俱縣東六十里
洛嶺 虬盤嶺俱縣東七十里 梅樹嶺 魚塘
岱嶺 橫嶺通壽甯界俱縣東八十里 平嶺 半
天嶺縣東九十里層巒壁立一線凌空 萬里林山
樹林森翳逶迤深廣 將軍嶺 大風均嶺俱縣東
百里 湖答嶺縣東百二十里 鏡山縣東北二里
下有石洪洞 斑岱后嶺縣東北十里 梅均縣東
北五十里 栗洋均通雲和縣東北七十里 筆架

山都二早禱應 天梯山都二上有筆架巖 頂豐山都二
發紅山都二 仙巖洞草中有泉自頂滴下不涸不
溢旱禱應 疊石巖都二蛤湖兩石相疊若懸崖一石
高十餘丈上大下小中如葫蘆頸 大獅巖在大洪
蹲踞若獅 石屋巖在黃皮有三穴相通容數十人
玉峯都二 鐵尖峯都二一峯矗立尖削摩空 象山
治北一里 角門嶺縣北四里 錦山縣北十里上
有巾子峯兩峯對峙高不可攀下有石洪洞 棘蘭
峯縣北二十五里峯巒嵒集前設巡檢
司今廢 白嶺通松
溪 明善嶺下為棘蘭汎俱縣北三十里 寨後嶺

縣北三十五里 湯源嶺縣北七十里 關門均縣

北九十里通龍泉 毛源嶺縣北百里 打鼓嶺縣

北百二十里浦城縣界 斑岱山都四上有飛瀑 曬

袍山都四 臺湖山都十一 山勢高峻羣峯環拱與龍泉

接壤 石龍山縣西北數百武蟠據若龍其下為毬

山 梓樟山都四 舊學址側昔建文昌祠其上久廢 文筆山縣

西北三里五峯峭立一名五雷又名筆架峯 百丈

山縣西北三十里與松溪毘界懸崖孤峭上有脫身

巖五代時馬氏二女棲真於此丹成仙去 三聖井下有龍湫禱雨以

木石接之泉立湧出風雨隨至教諭葉文懋記百丈山五代時馬氏二女

修煉於此丹成仙去邑人於其地立祠祀之壬寅夏
予以禱祀往是日天朗氣清嵐光杳靄林木蕭森令
人生秋思鳥道嶮巖透迤不可方軌步行約十里忽
霧起峯頂如垂黑幙須臾而雨濛濛下矣咸謂此處
不陰則已陰必雨雖皎日當空而片雲轟起風雨驟
至以有龍棲故也又五里緣崖上臨深履滑至百丈
庵時浙閩男女進香者日以百計香煙如霧金身為
之黑爐不容則熱於巖口道人引訪鏡臺臺在庵左
由石磴百餘武即飛昇巖見崖壑白霧瀾漫連天一
色巖石有三狀如龜有馬蹄剪刀履痕突起寸許巖
外四山環抱中為深壑為龍湫巖下有十三井今止
時霧收壑見水如飛濤為龍湫巖下有十三井今止
見其三遇夏則龍棲焉氣候常如深秋不知有暑踰
左岡有捨身巖一石如砥方廣丈許厚不盈二尺突
兀而出若斷橋然俯矚益深峭可畏登之若凭霄御
空設再構一亭可容徒倚其遠眺更當何如語云山
以仙名水以龍靈百丈兼有之歸來輿中暑氣侵人
視昨入山迥若冬夏之隔雖陰晴不同亦地使然也

王認山都七 與百丈連 雞嘴山都四 黃鶴山都四

青峯山在竹口上有白鶴巖 拏雲山九都與青峯連

山下有洞 真武山在黃壇又二都青竹底野樟下均

有真武山 琵琶山九都 白馬山十都 巒頭山十一都

山峯峭立為浙閩諸山之源 大巖峯十一都 下有風

洞過此身或不潔風立至旱禱應 薰山縣西十里

峭削凌空壁立千仞為邑屏障旱禱輒應 摩手嶺

縣西二十里 插花嶺縣西四十里 張天嶺縣西

六十里 鳳凰山七都 飛翥比翼高入雲漢 蓮花山

五都 鼠山五都 金釵山 烏石嶺縣西南十里石壁

峭削為邑西障 温洋山屹立奇特為諸山冠昔有老人

居此歷年百二十餘歲遇仙去 縣西南六十里 掛榜山七都 歇雨

巖五都 屏風山六都 一邑水口 楚馬蹄臨 將軍巖七都

一石卓立高數丈 營後潭城隍廟後流入石龍潭 司後溪布政司後

鏡潭東隅鏡山前今塞 山澗潭東隅鏡潭委流有

石如印日光映射金陸離 周良潭縣東三里 八石

壁潭縣東八里峭壁潑廻入古樓潭 古樓潭在周

墩上為古樓廟 合三源而出障為公堰其間有村頭陂柿

兒陂石壁隘黃園隘舊志 白沙潭縣東十五里 交

劍潭縣東二十里兩水直瀉交流於大山之麓潭右

有石峭削如筍 蓋竹溪縣東十里濛洲溪縣東

二十五里蓋竹水合入交劍潭 三井龍潭縣東四

十里兩岸複岫壁立有二三泓最下一泓深不可測歲

早禱雨屢應其流入交劍潭 訓導戚光朝詩兩崖懸峭壁古色老秦松怪石

疑蹲虎靈湫隱蟄龍瀑聲驚雨過仙 左溪東八十

五里與南洋水合 青竹溪縣東百里入左溪 下

灘溪縣東南十里 舉溪縣東南七十里達壽甯

松源川縣南十里又名濟川源出松源山流入大溪

安溪水出桂橋山下 入芸洲西南四十里 竹

坑溪薰阜門外源出西山淘沙可鎔金又名古溪抱

城西北過雲龍門入石龍潭 龜田潭縣西二十里

入芸洲 蒲潭流入龜田 銅鉢潭形如鉢流入蒲

潭俱縣西三十里 石龍潭中浮巨石狀如龜又名

印星楊芝瑞立石潭右為放生池 石上嘉慶間知縣程紹頤建達觀亭

楓潭縣北里餘 坑西溪流入淘洲 溪口潭水

深澄碧流入白槐潭俱縣北五里 淘洲川有石印

浮水面邑人以石浮沈卜歲豐歉 魏溪又名張淤

溪與桃洲水合俱縣北七里 桃洲溪縣北八里流

入槎溪 白槐潭縣北十里 槎溪流入棘蘭溪縣

北二十里 掬水潭槎溪下流 相傳旁有樟大十餘圍有道人至此演法

能呼役鬼神忽風雨晦冥其樹倒插潭中至今不朽

芸溪縣北二十五里合

槎溪通志引

把馬潭流入棘蘭溪 棘蘭溪縣北

三十里 梓亭溪與新窰溪俱縣北四十里 竹口

溪縣北五十里入梓亭溪 黃潭入廻龍潭 廻龍

潭 柏渡溪與竹口溪合 下滌溪與竹口溪合俱

縣北六十里 斗潭縣北八十里流入黃潭 桐山

溪縣北九十里達龍泉 滙龍溪縣東北六十里流

入蓋竹溪 南洋溪縣東北百里 梅溪水過頭陀

峽趨入郡城 窰溪有橋 山滌溪中有白鶴隘俱舊志

雲和縣鳳凰山兩翼開張其下舊有雲谷軒為明王海澄別業 前有小山

如鳳雛俗呼眠犬山 今縣署據其麓雲舊志 赤山鳳凰山

左山石純赤其上磊石為寨殆昔時守禦之所 白塔山赤山前

鯉魚山治北狀若魚首有石室如口名飛雲洞山巔

有石方廣如牀舊有雲谷軒清趣亭 五花嶺治北有得月亭王樹英

詩寒楓掩映暮雲間飛鳥歸林自在閒 杉坑嶺治

北五里綠杉夾道下臨絕壑深窅無際 天堂嶺治

北十里嶺上桃花千樹開時爛若雲霞飛泉 溪口

嶺有寺 幾盤曲上出山之巔古剎依山定羣峯羅其前巖

花爛如錦春鳥鳴杜鵑坐聞石泉瀉平 蠟炬峯上

岡見層田夕陽下喬木輕陰生遠天 有雙峯如炬 石鏡巖石色頰黃潤澤俱縣北十五

里 香爐峯萬山拱峙獨聳雲端 吳四嶺 俗呼鷓鴣嶺

遠黛參差如蓮花千葉 青龍巖俱縣北二十里

飛鳳山縣北三十里形似麓有三望潭 牛頭山形

似縣北四十里界松陽陟其巔見處屬諸境上多古

松生石縫中虬枝偃蓋有石筍高百仞左右卓立中

有懸泉下注山腰成淵經三畝許深不測有小魚碧

首紺尾或曰龍種常浮波面禱之甘霖立霈 柳翔鳳古松歌

牛頭山頂松長不滿三尺松肪入雲根千載成琥珀

自購得石工鑿山脈連根帶石石為折主人好奇思擊

龍賞高格蒔來古盎羅前庭月挂東溪無此青 方

山嶺縣北四十五里界松陽最為要隘 金鐘山縣

東北 下有廢庵相傳為華陽道院故址 小順嶺 虎頭寨四圍峭

壁山巔平曠容千餘人 康熙甲寅耿亂里人避寇於此 山半有峽如

門 所產石色白如晶細膩光潤可充印章 俱縣東北三十里 龜山治

東一名靈山其陰皆土其陽皆石峭壁斗削下有潭

上有塔塔旁有靈雨亭 象山縣東五里與獅山對為縣治下

居民夾道種竹陰如幄雖盛暑涼砭肌骨 獨山縣東七里一名獨嶼

鐵骨高撐浮雲雲礪二溪水刷其趾為縣之水門山

巔圓銳如卓筆 其陽多楹欄其陰多杉桂 東山 金公巖 俗呼金巖

寨 四圍陡削山巔平廣可容數百人 明景泰庚午寇作都御史軒輓

合知縣顧立築寨其上以為守禦見李東陽顧合祠記 溜水巖雙厓對峙上

有飛瀑龍井禱雨輒應俱縣東十里 章岡山金公

巖北礪阿岑寂林巒秀麗 楮嶺縣東二十里舊名

朱嶺知縣陳治策改今名 雞籠山危峯圓聳四面

險峻陟其巔頗坦夷 相傳康熙中耿逆餘黨築壘於此廢址猶存 石塘

嶺箭栝通門左右狼牙相扼俯瞰大溪地險所存有

一夫當關之概 上有惠寺 俱縣東三十里 孤山一名

古山鵝水環前文峰障後 舊有銘恩亭故俗呼龍亭山今改為惠獻貝子祠

龍巖寨石門阮口絕壁峭峙 山脊壘石為寨蓋昔里人禦寇之所

將軍岡一名文筆峯 康熙中里人築壘其上以禦賊遺跡尚存 穀堆山

石塘溪中俱縣東四十里 將門嶺縣東四十五里

俗呼將門康熙中惠獻貝子勦耿逆餘黨屯兵於此 香火山一名霹靂山

上有龍湫飛瀑蔽巖而下霧氣空濛距半里寒氣凜

凜響震對語不聞人聲早禱輒應 錦屏山 麓有永福寺

眠牛山規溪東界麗水 康熙中惠獻貝子築臺於上以望軍山宏有慧力寺

廢址俱縣東五十里 高峯寨西尤陡削 頂有廢壘相傳康熙中避

亂者所築王武錫詩人家厯歷住山阿蝻穴蜂房聚不多笑問地名皆繫姓怕逢官長為催科數問屋

傍高低澗幾稜田隨上下坡地氣不溫方易雨披裘五月奈寒何 三疊石高十餘

丈上廣下銳若磊石而成 俗呼仙石 俱縣東六十里

大杉源山縣東七十里與麗水分界山上昔多巨杉

其中四岡五阜名蓮花峯 中峯有山西有泉仰出名天師廟

湧泉谷下有二潭並見麗志 獅山縣東南六里石磴陡

折數百級上有門榜曰梯青餐綠內為溪雨松風亭有攬翠亭廢址

北轉過彌陀巖即古普仁寺右為宛在堂 有石鏡泉桂子池又西

有泉色白名獅乳泉崖間舊有蘇軾噴雪二字 北折至望翠峯有

登雲梯王樹英獅乳泉記獅山普仁寺有泉久埋乾隆庚子寺僧贈來翦荆莽出之加以濬治或

日若是則茲泉之幸予竊慨斯泉不置於名都大邑與中洽六一爭奇勝僻在深山過之莫知亦幸中之

不幸也嗚呼古今來獨茲泉也哉 王鳳池雪中登

獅山詩高卧北風涼忽夢溪山好朝著雙木屐來尋

雪中道石壁偃孤松長空沒飛鳥不見遠山橫寒煙

起樹杪 柳翔鳳詩九月楓林葉半空登高人似畫

圖中下方雲氣蒸成雨上界鐘聲盪作風黃菊無心

迎酒旆青山有約待詩筒空餘滿地霜花在未許菴

僧掃 獨嶼嶺縣東南十里以地近獨山得名亦名

落紅

卻暑嶺舊為赴郡孔道從象山外渡水上嶺上有風竹亭坐

移時涼颺颯至如在風橐 嶺下有蝙蝠洞多蝙蝠

中雖三伏栗然有寒意

洪嶺縣東南十五里與景甯分界一名嵐頭嶺 仙

瀑巖縣東南二十里一名龍女滌土人呼仙姑巖相傳沈氏有女幼慧

通靈比卒嘗見形山巖巖前細瀑飛流人行其下呼

日仙娘借路水輒颺出路外否則渾身俱溼矣歲旱

祈雨多驗上 苞山縣東南三十里層嶒包羅團圍

有龍女菴 如盜居民結廬凹處桑麻雞犬非復人間 泉岱山

縣東南四十里陳治策詩石絕路難通水響山開縫藍輿緣之入曲折隨穿洞斗巖疑削

瓜嵌腹窪成甕十里少人煙溼雲暗陰凍 又曉登

泉岱詩山湧如連濤拂曙泝雲窟四圍白逢逢晴光

長空貼把酒暢豪吟
天風吹獵獵

幅水巖一作福縣東南六十五里

巖高敞類屋前懸瀑如簾故又名水簾洞中為福水
為龕而屋之舊傳石壁鐫詩有巖左為龍旗峰壁立
誰倩五丁來鑿破此山腹之句

霞時右為白雲洞為時風洞瀑泉下注處為卧龍池

勝概天成 吳山縣南前溪山東為四應庵 白沙嶺縣南

五里一名董家嶺 白龍山縣南七里環拱縣治屹

如屏障山半巉巖雄峻有白鶴廟 有石室洞外仄中寬相傳

棲霞真人煉丹處 頂有冷泉出石硿中有乘龍臺 下有龍

潭早禱應 金山縣南八里安溪水經其麓 黃泥

嶺縣南十里 龍壑巖黃泥嶺南滌聲如雷鳴則天

雨 安溪嶺縣南十五里一名泗州嶺志 路通景甯

兩山叢峽足以控禦名勝志 上有午陰亭 吳炳

盡秋陸潤樵 歸野徑遲 巔有筆架峯為文廟對山 浮鼇山縣

西南一里北跨浮雲溪如巨鼇駕山 鷹巖縣西南

十里拔地數百丈峭壁如削 霧飛嶺縣西南十五

里霧溪舊名務溪嶺為趨慶景別道蘭谿徐應亨詩

纖霧散遙看幾點尖洪嶺水分龍女滌務溪山控佛

兒巖高齋傍石青浮案虛閣憑雲翠接檐更喜暮天

氣靄盡萬松 大嶼嶺羊腸結屈一路翠蔓蒙絡水

聲淒然雨崖啄木窸窣發響 佛兒巖上有石卓然

如佛髻俱縣西南二十里 靈滌山縣西南二十五

里諸山曼衍相屬狀若瓜藤至此拔地高擎每聞人

語白沙湧水高七八寸鐵壁無縫萬仞懸流如白虹

乘空而下上有庵山左有白雲洞舊傳白雲禪師修道處霧溪之水出焉

東岱山縣西南三十里安溪之水出焉 馬鞍山

縣西南形似山下有夫人廟南屏山縣西八里沙溪南俗

呼屏風山山面平廣如屏山巔有丹泉夏杪碧蓮競

放秋深不彫相傳楊舍人煉丹處按舍人不知何時人亦不詳其各賦郡神甚靈賦人每具

之言 摩雲巖一名洞背巖頂廣五弓許石筍可架屋

相傳楊舍人仙蛻於此夜深時絕頂常現火光土人號為神燈玲瓏巖上廣下方

峻嶒四面中嵌一窩似房屋椅机之屬畧象形石皆

赭碧色聯絡穿逗面面玲瓏每遇松風謾謾萬竅皆

號 西山澗阿幽邃草木豐蔚山窾有蘭若臨海嶺達

龍慶孔道上有瞻雲亭俱縣西十五里 灑青巖縣西十

八里一名垺頭巖千仞如削石皆青黑色古蔓倒垂

下有龍窟每旱禱見螭螭蜥蜴之類澍雨立降 武

岱山上有巨石高五丈許石磴中沁出石髓膩白如

飴石後有庵巔有大雄峯峯頂有龍湫水色如靛鋪灑崖

竇間散若虬髯雲志山之巔為黃家畚通景龍慶三縣

彙紀王樹英詩一逕真幽絕到來塵慮刪獨行人寂寂祇聽水潺潺老屋半依竹閒雲時在山低徊尋

古跡殘碣 兩崖滌頭水口雙峯壁立一水雷轟中

架石橋通慶景二邑

右有將軍廟

梅源山俱縣西二十

里

王樹英詩山路臨溪險行人曉乍經苔紋留虎跡水氣上魚腥沙洗巖頭白煙浮樹杪青前村知不

遠偶坐憇林亭

噫風洞縣西三十里玉花湖鐵壁陡絕上

嵌一穴風從中出飛鳥經其處即斜墜 岱岳峰縣

西三十里一名岱頭峯與白雲峯相望左畔裂石開

崖石梁長二丈架之有髓溢出或以為鐘乳 大金

坑嶺栗均道中嶺偏有瀑泉下為鯉魚巖向有石橋

為達慶景間道巖崖深峻鳥道崎嶇要害之地 牛

角寨縣西三十里孤峯陡峙狀如牛角

舊傳里人避寇於此石堡

猶存

隴雲嶺縣西三十里

林汪遠詩隴雲深處一攀躋煙水三家足黍雞勸我

村醪須健飲前途高嶺與天齊 柳喬彬詩旅館思鄉劇孤燈欲綴花山深風嘯虎樹冷月驚鴉不寐身頻轉多愁枕自斜浮生何處著心緒亂如麻

白鶴峯縣西三十五里俗

呼梅九尖西山之最高者上有井泉禱雨應 石柱

巖縣西四十里 武溪嶺縣西四十五里界龍泉邑

西阨塞

豐源山縣西五十里

舊有銀冶

下有石峽潭水

入景甯梧桐

魏文瀛石峽潭詩兩石對聳生突兀幾盈里有瀑泉飛散珠成清泚石罅折

方流有潭深無底繩不計尋投石亦空擬或云五丁開或云祖龍徙斯言無可徵吾欲問諸水

角山雙峯高聳宛如角巾山北為梅西嶺 赤石山

慶龍溪水駛流而下吼齧其脚此山壁立橫障石皆

赤色上多古木麓有古柏二株

有亭曰聽松頂有步雲庵深藏雲窟遊者

比之靈隱 韜光 端木國璠詩地瘠臨山越荒黎俗
蹟聾墾田畬婦健居市團奴工古木叢魑魅昏燈亂
蟻蟻問誰塵堪外赤脚踏 白雲峯極雄峻與杉峯
晴空自注俗呼赤脚山

桃隘相犄角四時白雲逢逢 婁狗山形似卧犬為

縣鎮山上微作劍脊形宛如鹿角故又呼鹿角尖石

筍林立上有石室深百步廣容一人傳有白鶴翁稍

偏一峯如卓筆壽藤灌木聯絡其上幽險異常下有

井泉不竭旱禱響應麓為陰巖舊有銀冶黃溪之水出焉

俱縣西北三十里 烏杜山與婁狗山連乾隆五十

邑人梅起榮禱於白鶴廟虎遂不復見南高峯南山湖狀如筆架四

時碧色 九芝峯舊曾產芝兩峯陡合峭壁懸瀑下

有巖若牀名望瀑巖 夏洞天一名仙人洞沿阮窄

徑入二里許懸崖峭壁雙峙如門中石峽龍湫百尺

噴薄下注巖下瀆滉因泣名柳姑潭岸側石室天成

高丈餘廣容二百人遊者欲詣其洞必涉波捫壁而

前相傳為龍母所居禱雨應吳上華詩不盡仙源望

雲迷洞口千層雪樹擁溪頭一簇花佐饌誰將金谷

酒留賓可有玉川茶同人相約前村去犬吠柴門又

家俱縣西北三十五里 高山縣西北四十里高入

雲霄 馬蹄礮 徑石壁 雲礮 朱嶺 羣壑嶺 垵頭巖

大徐嶺俱見舊志 邑志不載

黃溪源出縣北婁狗山逶迤三十里經杉阮嶺合胡坑

水南流經鳳凰山麓旋帶學宮俗呼後溪東流過祈豐蔭

福沙冷三橋又東經龜山麓為龜溪南流入浮雲溪

浮雲溪源出縣西三十五里黃棧坑東流十里為

梧桐坑南合龍浦水北流為梅源又北五里經漂頭

為漂溪朱源水入焉朱源水出葉洋東流合大金坑水為栗坳坑又東經朱源入漂

溪東過棧雲橋三望潭又東五里經柘野為柘溪為

鏡架潭過仁者橋五里為貴溪梅壟坑水入焉梅壟坑源

出胡岱南流經梅壟又東為白水沙溪霧溪諸水入

焉沙溪源出高厝東西二山霧溪水源出曹家堰南

合鎮溪水入浮雲溪又東為白水沙溪霧溪諸水入

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

焉沙溪源出高厝東西二山霧溪水源出曹家堰南

大溪源出慶元經龍泉縣凡七十里東流為丁村潭又

徐黃坑水入焉又東經獨山雲礮溪水入焉雲礮溪源出新

碭西流為龍溪又西為梅灣又西經橙村南合沈村

水為雲礮溪過兼濟橋又西經鶴坡與浮雲溪合

又東經雲章為雲溪又東為鶴浦又東經溪口入谷

又東為碧潭黃溪之水入焉又東繞獅山麓雙溪之

水入焉雙溪水一源出東岱東流五里為安溪又東

東五里為洪灘潭又東五里為武溪王莊源水入焉

王莊源水又東五里為九里潭又東十里經七赤為

赤口潭烏甚源張源諸水入焉烏甚源水出金剛山下流為烏甚灘張源

水出又東五里經西村又東為梓坊潭又東為瑞灘

梓坊坑水入焉又東十里為洽川洽坑源出徐湖朱坑源出

牛頭諸水入焉又東為龍壑潭又東經金水峽又東

為三望潭為柳朱潭又東為石浦潭又東經吳四嶺

天堂坑水入焉又東五里經溪口南合浮雲溪水為

谷溪又東為山潭又東經木洋又東經趙岸為漱雪

潭又東為長汀潭又東五里為戈溪又東五里經小

順又東為桑溪大源水入焉又東為北溪又東為蒲

潭又東五里經續莫坎石門坑水入焉石門坑水源出鐵拐山

又東經石塘為石川東坑之水入焉東坑水源出香火山又東

為鸚鵡潭又東五里為灘頭石塘坑水入焉石塘坑水源出

大杉又東為灘下又東經朱村口泉溪之水入焉泉源山

水源出牛頭山又東五里為規溪桑坑下坑諸水入焉又東

為朱家灘陳坑之水入焉東流入麗水達青田至溫

州入海雲志按雍正府志有箬溪過龍坑入大溪今箬溪已無能確指龍坑亦未詳所在疑當時

採訪之誤否則有明故籍如彙記諸書均無是文惟嘉慶陳志稱山多箬竹故古名箬溪以箬溪為無專

屬之水語尤足據今仍彙記黃溪旋帶學宮澄泚

見底 龜潭有龜山潭水至此宛演波迴善泗者言

其下有石穴如屋中有爐力舉之弗能起疑神物所

憑云 龍浦 梅源 王九經詩行行過野橋前村炊

林下問樵夫 木落空山冷 滌溪 朱源 柘溪 鏡架潭一名

金鐘潭景德寺逼臨溪岸舊有鐘為大水冲激沒於

潭每風起浪湧常有聲如盎中牛鳴 貴溪 沙溪

霧溪 新溪在西門外岡頭山水會衝處康熙間

知縣林汪遠從民請築水櫃又緣南岸開新溪以分

水勢殺溪漲 林汪遠詩雲邑有二水前後抱沙洲前

瀾民無愁前溪最善漲環郭如盪舟曩者丙寅歲其

時民方夏天幸聊脫險此後須預籌我從父老請為

雲長久謀城西一里許水道當咽喉採木障沙石築

櫃作水郵尚恐暴漲怒分流使之柔岸南開支澗紆

徐去悠悠插柳植溪旁其陰足 浮雲溪山影波光

詠遊何時構飛閣臨溪賦黃樓 兩相摩盪每白雲練曳瀾溪漲谷移時上升必雨有

浮雲柳前二灘 碧潭 俗呼前一碧淵 淳春夏之交

垂楊兩岸游鱗映影觀者有濠濮間想 雙溪 安

溪 龍潭坑 洽溪 洽塘坑 菱花潭 俗呼睡田潭 五

水交流奔瀧弦急漲退沙平菱芡週遭髣髴鏡中

雲礪溪 靛溪 梅灣 雪溪 雲章葉氏世居湖雪

為小雪溪州守馬光祖記栝麗水之上游有鄉曰允

和又曰浮雲距郡城僅四舍地人物蕃萃號為名區

羣山之巔霧積雲滃攢紅杏翠若圖畫然其間有小

雪溪獨峯蹲伏於中洲二水環羅於左右夾岸奇峯

可測每歲杪嚴寒巨龜十數大如笠蹒跚露背暴日
渚今名鶴口源 九里潭波流縈洄水色如藍深不
不避秋斜陽樵唱晚歸路緩鳴騶 鶴浦一名鶴
石逕溪水帶沙流古木甯知歲寒花
處風靜浪花平又幾日坐齋閣今晨喜出遊巖雲依
三日 吳炳詩客路紆長島官橋渡晚晴雁從前浦
落烟傍隔林生野徑遙通寺寒江曲抱城漁舟閒泊
雪故名其居曰小雪溪用是誌俾葉氏以前代隱於湖
人物之英秀著見而成章者也葉氏以前代隱於湖
輩出讀書尚禮俗美風淳花萼聯芳朱紫相繼此蓋
繁華錯綜而成章者也由其地靈人傑故賢達彬彬
雲當春高而趨下旁觀若偃月之狀喬木碩茂蔚蔚如
蓋自翁聚而成章者也民居其間後負崇岡其勢蜿蜒
變化無窮為雨為暘應居人之占候此蓋山川之靈
氣翕聚而成章者也民居其間後負崇岡其勢蜿蜒
佳氣氤氳葱蒨或聚為孤影或散為五色千態萬狀
萃兗遠者如筆格近者如筆峯嶄然出於雲表四時

於霜鐘曉角之餘漁人餌取之弗能得或言神所象

云 赤石潭 烏甚源 張源 梓坊潭 洽川

洽坑 朱坑 龍峯潭 金水峽有大小二灘 三

望潭 王樹英詩松篁一徑繞溪斜茅舍參差三 柳

朱潭一名鏡潭 石浦潭 溪口 林汪遠詩日暮酒

漁人換酒處黃犬吠桃花 陳治策詩兩岸千螺矗

中流一艦平蓆邊紅葉下波裏白雲生港曲緣沙漲

巖懸得樹擎輕舟徐 谷溪 端木國瑚詩白沙村路

放溜頗似峽中行 間松滴響多逢背雨竹陰濃過屋頭山帆隨灘月後

先上樵共溪雲高下還西望龍川峯更疊百重素瀨

百孱顏 吳士華詩青山纔曙雨纔收烟樹濛濛山

濛鎖渡頭忽聽一聲漁樵響前灣驚起白沙鷗 山

潭 木洋下為石壁灘 漱雪潭 俗呼趙 長汀潭

處州府志 卷之三 山川

波紋如吸勢作盤渦物經其處輒迴旋而沒或言下

與海通下為咽石灘 戈溪 小順 端木國瑚詩村

春非齊行田隨白鷺比屋聽黃鸝月出衣砧 桑溪 靜雲歸屐路迷不教挂帆去涼夢繞藤溪

北溪 蒲潭 石川 臘塔敗闖賊餘黨於此陳治

策石川夜泛詩解纜橫塘曲澄奩盪碧空舟移千嶂

月岸夾一帆風鶴影掠天外荷香透水中曙河瞻耿

散襟虛檐街月影老樹冷蟲吟只覺霜華重甯知鬢

髮侵勞殊未已何日遂抽簪 董鳳梧詩地似桃

源住百家抱流背石足煙霞蒲帆十幅過微雨林鳥

數聲落野花畫棟飛橋新結構殘碑斷碣古 鸚鵡

年華此身墮作風塵客一日閑遊願已賒

潭下為石塘灘 灘頭 灘下 泉溪 規溪又名

桂溪有潭達麗水界為縣北襟帶懸崖飛雪二字大

如斗 桑坑 陳坑

浮雲灘 柳前灘 瑞灘 大金水灘 小金水灘 在金

水峽 吳四灘 一名和順灘 端木國瑚詩天魔善女

以伏狂狻笑而迎凡物外有作其腹皆甲兵奈何和

順灘眾惡乃合并始交効柔善漸習忘和平欲變怒

復拘將發機先弼入教既困迫發距遂縱橫饑欲作

巨餐吞欲作長鯨凸作太行險凹作長平坑嗜欲既

有劇情能倏復更降顏示浚潔夷度表澄泓險夷承

睫起喜怒緣聲生嗟余寡遐省觸此發深振華言後

有茅美服中無榮巧羅畏獸駭善張避禽驚書禮

莽所柄仁義蹈之萌吾何輕吾身上在無名

溪口灘在溪口 咽石灘 小順灘 石塘灘 西

灘峭壁下有石銳鑽叢戟濤奔走怒雷十字不知何

代鐫 端木國瑚詩船行日以足水行日以陸西灘西

下奮石齒左右鬪石角絳從石縫牽篙向石罅捉船
頭或人背人背或船腹或伸條如熊或顧條如覆條
簸輕如箕條頓重如築條如敬器敬條如覆車覆狂
突虎出神迫裔蛇入穀旋旋旋旋旋旋旋旋旋旋旋
心遞出入石面窮起伏崩奔駭心魂飛濺眩耳目來
遑方若屯往迷翻畏復險語誠徒侶喪面愧僮僕漂
梗豈暫停勞薪且羣勗慎 石壁灘鐵壁千仞橫截
勿聲嗷嗷壯士譏齷齪

於前榜人放船只爭一篙之力最為奇險嘉慶十五
年各處捐金沉以巨石填其險隘調其水勢 雷公

灘 端木國瑚詩雷公擊灘頭雷鼓殷灘尾灘頭響天
在外洶湧石在裏篙師任身手性命不在已大風翼
征蓬巨浪逆奔矢倒壑拔驚蛇截水關狂兇譬挽虞
淵車倏沒倏以起譬戰昆陽兵進生退即死急爭無
暇休少墮不敢儼余欲訴皇天六丁為我使豐隆夷
巖險萍翳蕩清泚皇天顧我笑胡乃為此伎雷霆日
轟擊魑魅何能止江河日海海舟楫未云已歷陽城

可遊呂梁洪可履夷險非我料何者 泉溪灘 毛
足憂喜余聞謝皇天雷公尚在耳

小府灘 朱家灘

宣平縣治北一里為占鼇頭為墓婆嶺為巖山為湯山

由占鼇而東為壺山在岡為吳山在前又為飯甌壇

為樊嶺由占鼇而西為獨山舊雲居庵后為金山為

迴岡又為後平頭又西為青嶺為百步嶺為石柱峯

為橙嶺為大高嶺為馬蹟壇為九明山扼湯溪界又

為九盤嶺扼遂昌界治東 文廟後為文明山過東

溪東北為周山為均塘嶺為岱石巖為磊山為射豹

山為碁盤嶺為台山為大萊嶺為陳街獨山為白巖

岡為九龍山為獅子山下為俞源龍宮山為楊園扼武義界自俞源折入西為太行嶺為清風嶺為上坦嶺為圓明山又東溪東為歐溪山為八仙巖巖之前為豸冠山為筆架峯又為樓臺殿閣山為墨山治南十里左為天馬山右為貴人峯對學宮南為石門嶺為曳嶺為槁嶺折西五十里為東巖又西四十步為西巖與東巖對峙旁為虎跡溪下為牛鼻洞洞之南為楊山嶺為新嶺為麗水界為墓嶺為疊石山為錄符巖治西六十里為茭嶺

松陽板橋界可防禦折而東為玉巖山為俞高山為竹峪嶺

又名寨頭可防禦松陽界竹峪東為五里

壇為烏湫嶺又東為雲巖洞為白泄巖又為楹樣山為鼓山為白馬山為五房山為栗山東為西山縣北之水發於樊嶺下流於呂埠口會大井背水經前田陶村項灣至下蔣會松溪水經章岸過壺山入白殿潭會黃家裏水又會順源水至丁埠頭滙於灣口潭下東溪入綠巖潭西會午溪水縣東之水一由白巖南園合上陶水一由上坦嶺下江望水會於坦溪至大院後一由安村黃家坑白水坑葉坑至會溪過大院後合坦溪水至溪口會西塘長江水經荷樣合烏巖坑水下雙溪口一由雙水坑大合龍湫昌坑程坑

過白石溪出金村會雙溪口水至三石潭繞坳塘入
塌石潭會大坑水經梵天寺前潭入白殿潭會岡山
水下綠巖潭會午溪水縣南之水發源曳嶺下流至
清平寺入橫溪東會丁川水合流下老竹受梁村水
經破橋峽下周坦流王村洗灘麗水界會馬村水縣西
之水自龔坑合三筍坑水出大溪口會小溪水流馬
口滙於神度潭受壺川水流金山寺潭下普照寺潭
入午溪

文明山儒學後嘉靖間教諭翟宗魯捐建聚英樓名其

阜曰文明并名其池上有垂絲松一株今惟存大樟一株占鼇頭山

縣北一里署之座山 墓婆嶺縣北二里 湯山縣

北十五里有嶺俗名仙人壇 百步嶺縣北二十里

俱宣 台山縣北二十里前松溪後桃溪山界于中

通志 宣志上為真淨庵伏虎禪師得道處有八景
步雲梯來翠亭懸鏡屏顯聖巖伏虎石天然池掛榜
巖雙樹門嶽宗禪師語錄云有五逸景卓錫泉翻經
石鉢孟峯羅漢松接引松 國朝李仁灼游記山以
台名蓋彷彿天台之勝也其開山則伏虎禪師今顯
神巖有遺像在游者路經三石潭入至山半石磴齒
齒僅容半履行而登雲生足下是為步雲梯路側
有亭翼如贅于絕壁顏曰來翠四面葱鬱之色掩映
衣袂間如汁染然從此峯回路轉不數武見若盤根
錯節枝生連理曰雙樹門又見平而坦光瑩若龜甲
曰伏虎石仰而睇之一刹卓其中窅以深闌而寂堂
宇雖不甚峻明潔軒敞肖像熒煌奪目至此境界一
新令人飄飄有凌雲想左則天然池金鱗泳暖水面
點點如落星旁有發泉冬夏不溢不涸其亦天然共

派歟後則掛榜巖高懸碧落選官耶選佛耶姓氏何
縱橫莫辨也最後一嶂圓若桂影當空澄瑩明徹則
懸鏡屏在焉此入景者皆山之勝殆與天台之石梁
諸景相頡頏者歟吾謂景惟入而其可賞可紀者不
僅是也其間茂林修竹之翳翳錦冠翠羽之翩翻以
迨夫奇峯之聳疊插於天外幽壑之險怪盤於谷底
仰觀則雲蒸霞蔚霧鎖煙橫變幻而非景何景非勝
舞鸞翔象奔獅駭攫擊而莫測何在非景何景非勝
而必以入限邪况夫景外之勝耳得之成聲目遇之
成色者又足供人應接不暇乎會心者得意忘象不
為拘墟之見而馳 樊嶺縣北四十里險可防禦其
域外之觀斯得矣

最高者曰樊嶺尖金華隱隱在望

並宣志

周山縣東

北二里

舊志

岡山一名壺山

有道院堂

吳山一在吳上坎

飯餼壇陶村以形名 坳塘嶺清曠迥僻泉石峭異

至二三石潭一帶平練靜舒罕激咽奔號之狀有聚上福庵

有琴山嶺平平崿崿儼琴在囊中按軫處隱有隆起

形又有鐘磴如覆鐘

陳□□山霽晴雪詩冷雲穿袖詩肩薄春日烘爐酒量寬簾外

有山千萬叠醉眸渾作怒濤看

俱縣東北十里

琰杯壇

龜壇

石魚壇俱石坳塘 圓明山塘出蓁草俗名蓁塘崇

貞時遼左僧智空自台山來墾闢建圓明寺因名

獅子山形似

舊建多寶寺

岱石山上有巖下有岱石公廟峭削

露骨酷似西太華峯遠望如拳欲張半握稍近則一

掌直舒參差不齊迫之又似一手卷曲獨豎三四兩

指側睇則如兩筴初開擲立欲判再側則一軒一輕

又若長者俯視少者仰扳變現可悅 磊山俱縣東

北十五里 謝豹山縣東北二十五里 相傳古有龍女仙妃廟久

地僅遺殘碑十數 上坦嶺縣東北三十里 嘉慶間潘子儒

字鄉民禱雨頗驗 太行嶺 有禹王廟嶺甚陡

修砌拾級上下 俱縣東北三十五里 九龍山 大

始無碍負擔 菜嶺樹木稀少其田壘砌而上若與山齊泉暗出不

乾俱縣東北四十里 仙雲山在俞源東上有慈姑

堂巖 龍宮山俞源 有廟每年春前求夢多驗 雪峯巖俞源西

上有石屏地廣畝許六月生寒 新巖縣東北小妃

至嶺可五里許天然石竇架椽龕佛上有泉有池

八仙巖 相傳有仙於此煉丹 邑令王在鎬記過前

灣至陶大淤一帶溪流深靚崖峯礙雲杳然

迴非人間行二三里許忽兩山斜對如萬仞城丹嶂

翠壁絕石直削下望灘水皆作綠玉色遙見一門如

城闐然人蛆趨蟻行碧沙間水石幻映真景中人也

迫臨其地則窈然一深洞巖蓋沙底濶長可三間屋

旁則石根垂蓄流澄泓其內幾二丈許真天然元

棲地予欲以窩雲洞三字題之仰視其上危巖峻嶺

可望不可攀八僊巖即在其間也再躡數武側磴懸

砌僅容二履古木蟠映鏡潭榦色青如鐵不知其何

名扶筇臨之儵 筆架峯 歐溪山 相傳歐冶子

脩然欲化矣 於此鑄劍

墨山高聳千仞其色黝然 樓臺殿閣山陂陀層疊

儼肖俱縣東五里 豫章巖登巔俯眎郡城如在山

足間 上有神祠 禱雨應 赤巖 巔有寨鄉人

會避兵於此 巍峩端直又名 君子樓 馬鞍山在梁溪形狀儼肖沿流一面平如

削色赤俗謂之小赤壁俱縣東五十里 錄符巖縣

東七十里俗傳葉法善埋符籙於此俗名天師樓頂又名大螺壇有石龍五色水自龍口出 天馬山縣東南十里遠眺勢若驍騰 白雲巖縣東南二十五里高萬丈廣百餘丈中一窟出泉名曰雲泉 豸冠山八仙巖前疊石山 龜山以形名 渥山中有白馬洞可容百人 獅子巖在范村形如獅蹲對面一山昂然聳峙俗名象山 楊山嶺虎蹟溪南半嶺有石似香鑪名香鑪壇俱縣東南五十里 新嶺麗水隣界草荒砌隳登陟尤峻 墓嶺下有水一泓冬夏不竭俱縣東南七十里 貴人峯縣南對學宮 佛厨巖縣南

五里 萊山在祝村舊建義塾於隱靜庵 赤山 高原山山

頂列石如城有石出泉清冽俱前灣 石門嶺縣南

十五里開邑初令李業建道堂其上 入嶺草樹蒙茸泉行石立五

里許直上鳥道密轟頂有庵堂嶺碑畧云石門赴府孔道跨扼中途層巒疊嶂猿唱

鳥啼松竹擎空雲煙接漢幽勝界也僧明崇募修佛堂茶亭勤苦有年錙銖衣鉢為香燈資置田若干資

供奉明崇別號華山麗水李氏 教諭黃黍道堂記畧云有宋麗水太原王氏智公隨父太守惠公於處

州因好山水奇勝畱居石門壺壇下智公行善不吝施與建道堂於嶺捨田養茗如濟民交坑二橋皆王

氏建正統遭兵毀其幸存者 曳嶺縣南四十里相

傳有仙曳履過此故名上有曳溪洞此嶺之險勝石

門晴霽亦烟霧籠罩自下視上迷漫若失自上視下

大壑沉沓不見底行者蟻盤磨旋雖赤手亦如負

石曳車成化間陳氏協助建道堂其上順治初邑令侯杲

宮便民祈禱嘉慶間東巖四面陡絕此一徑攀蘿

可上一名赤石樓巖歷代寇亂鄉人避難兩巖

乾坤成列形下日器積而為山洎禹別九州漢通百

越此山則維揚東甌之地峩峩傑出發地千尋峭削

凌空壁懸四面其乃陰陽偏顧造化有情呀開石門

路通極頂天生厚土蔭以森羅地廣百家人勝千衆

天下靈蹟此乃標奇自乾元之末袁晁作叛起于天

台攻陷當州人民逋竄惟此一鄉數百餘家登樓避

難兵戈百衆來繞其山飛矢鸞弧莫能損動相守經

旬食殊不繼乃積穀尚多難以待其乏也遂去而攻

自相謂曰巖頂積穀尚多難以待其乏也遂去而攻

他疆後便清平干戈不擾人忘往難復再遊其樓

近代居人皆懼有神棲止及乾符五年趙言奔衝之

時不敢登此至中和二年洞寇侵逼焚劫鄉間軍馬

憑陵老幼惶遽倦于奔竄乃有耆父河間郡俞強立

志持危邀伴攀緣登此樓頂芟夷荆杞以創草庵巧

立層梯以通行路遂召鄉隣老幼共此逃形狂兵攻

守無路侵凌是年五月當州中軍屯營州郭居人投

軍者衆武都郡章承趣年當少俊勇傑寇時鄉內歸

鄉而有武都郡章承趣年當少俊勇傑寇時鄉內歸

依衆皆推讓蒙兵馬使僉差部領各藏財帛于諸巖

共置軍部于老竹外都畏懼不敢來侵戶口以全耕

稼無失時太守張公朝望雅重出守分符撫恤所周

悉邀康泰當今四境未安尚虞侵擾巖頂尚有百餘

家共棲幽境何異桃源余因遊觀奉命為記時唐中

元間袁晁陷郡鄉民登巖以避圍守經旬不援一

解去中宋宣和二年黃巢亂羣盜蜂起焚掠鄉閭土

方以全宋宣和二年黃巢亂羣盜蜂起焚掠鄉閭土

人蔡子昇率梁將惠兄弟與王瀆冠郡城掠鄉邑里

鄉獲全元至元丙子九月二日元軍至括郡元帥附

三日哨騎至鄉周坦民登巖避者數千人初元帥馬

都營北山既而移屯城西十月十一日攻西巖立馬

指顧東巖而去十五日未明馬步數千來攻仰箭蟬
集及巖而墜鄉人徐澤之攝邑西尉帥鄉大家詣軍
前投拜蒙給旗榜禁暴掠是時諸軍駐巖後日車頭
去巖百餘步上下相語乃告所以保巖者避兵鋒耳
且投示旗榜軍乘閒登巖殺擄數百人次日絳帽籠頂發
誘投拜軍乘閒登巖殺擄數百人次日絳帽籠頂發
火矢射東巖以水沃絮被懸林木障蔽之矢不能入
至晚軍旋明年丁丑正月軍繇龍泉入閩民始復業
十月季文龍作亂忽都互統軍收捕復登巖者三月
至正壬辰紅巾徐壽輝黨項普畧冠杭夏五月民登
巖避難蔡紹伯據險保護三鄉聚兵力戰明太祖兵
下金華紹伯納民獻地授義兵千戶南京驍騎尉正
統己巳宣慈陳鑑湖陶得義等作亂周坦破橋峽殺
白都司耿泰議等官紹伯孫恭十守巖保民六月十
七不輯於火玉石俱焚蔡儼同弟公輔等挾從大兵
討賊賊敗棲巖當道議以巖為賊巢斲絕巖路賊平
嚴授潘港巡檢陞丹陽主簿嗚呼致使 中有清風峽
千年保民之地遂壞於淺識者哀哉

桃花洞上有日月兩池旁有幞頭崖玉甌巖住錫泉

卓筆峯石梁牛鼻洞 西巖與東巖對峙高亞之旁

為試劍石將軍石穿身洞 何鐘東西巖游記環栝干

石門為最勝縉雲仙都為最奇而穹窿崛起惟偉環
峙莫過於宣平之東西兩巖萬歷庚辰八月既望出
通惠門歷郵亭過橋嶺次周坦午炊訖望雙巖踞時
如門林木翳翳僅通一徑志稱破橋峽正統中山寇
倣擾數歲今禾菽垂華青黃遍野熙然樂土也過峽
數里一水蜿蜒東流為虎蹟溪度溪而北入宣平官
道遇牧人問徑曰此去西行半里至矣趨行不二三
百武轉見一巖員銳天半石皆頰色巖端數松天矯
摩天傍下石磴可百餘武篠竹夾徑如懸電入瀉策
杖登躡入石洞為禪院故天閱堂址今稱東明洞時
日將晡聞巖下有佛堂左傍石鼻懸注甚奇而僧以土
洞穴架屋右為佛室始損天真薄暮回洞輾轉不成
石遮塞連亘為居室殆損天真薄暮回洞輾轉不成
寐晨興飯罷穿洞左右徑至溜峽下仰視巖頂入霄
漢乃緣石坎而上僅容一足見人粘壁行如猿掛樹
重累相次又上數十武轉過一峽壁不容步余令僧

挽手奮躍而登又數武壁入插杙石隙中布三四板
 橋為道相扶得過由微徑十餘武達巖頂曠可數十
 畝中有土阜昨所見松樹處倚阜為祠三楹舊定香
 院也祠右有日月兩池相傳左清右濁今右稍湮左
 清冷也又數武有八角茅庵兩楹中各陷入為一榻
 所余嘗遊西山洪光寺見有此製豈西方法邪已下
 巖沿腹北轉尋清風峽兩崖相臨中空見天光青碧
 如一綫深入四五武淒清甯栗如風穴僧謂正統
 中投崖人抵於此又為愴然出峽一石特起可數十
 丈為卓筆峯峯西為幞頭巖東數十弓見橫石如員
 蓋下灣如梁名石梁又西北行入陰森中修竹千餘
 蔽虧天日上為西巖故留此洞今稱西明洞又西上
 悉就穴架屋黝黑似牛鼻洞又上東過小嶺下至平
 蕪為保安院基基右員巖巖時舊置鐘樓其上巖下
 吉井澄澈可鑒人影地有焦米為昔被火之遺左見
 西巖頂員銳如憤聞頂地可丈餘無奇耳其東與西
 巖均削壁千丈為試劍石石下三四大石欹倚列置
 四面如削平又削壁前一巒挺峙為將軍石石下深
 菁申一洞為桃花洞深入可二丈許中空層疊石片
 嵒研蹟足令探之云石上平廣可三四丈然難冥搜

矣遂攀陟崖緣牛鼻洞半巖又沿
 東巖石逕入僧院留供蔬粥而下
 走馬嶺俱縣南

五十里 槁嶺有大小二槁過此界麗水大槁嶺有

泄頭巖五色繽紛駕於兩山之間 破橋峽明正統

揮脫綱與礦賊陳 巾子巖狀如巾幘上有陳七八

俱縣南六十里 萬丈巖縣南七十里 白馬山縣

西南五里有石室中巨石屹立擊之鏗然葉法善

俞高山縣西南六十里上二山昔 玉巖山與俞高

相並 菱嶺松陽板橋界在萬山中民健訟逋賦漸

雨當預 西山縣西一里 獨山 明山俱縣西三

里 栗山環山二水左曰午溪右曰申溪以方位名

名勝 志 雲巖洞縣西洞有石狀几甃 白泄巖一名

雲巖高百餘丈止一徑攀蘿而上歷代寇亂鄉人避此上列三寨第三

寨險峻僅容一履 山腰有二瀑一高可十餘丈下匯巨潭一

巖旁側注俱縣西五里 吳山吳上圩一在前吳

壺山一名壺源有泉自巖隙出名水源泉舊志載楹

此綠逕碧澗村確 古山一名鼓山特立如虎蹲下

塘形如鼓每十年賽會眾執旗鼓環繞此 俱縣西十

里 烏瀨嶺側有洞神蛟每蟄此旱禱應 楹樣山

巖有三 上有楹樣巖正統間寇畔 三筍坑縣西二

十五里 竹客嶺又名寨頭縣西三十里松陽界此嶺

每有匪類 入嶺稠林遮路煙靄沉沉盤磴而上西南

插壁萬丈層層迸裂跨坎而過懸崖千尺瀑沫飛灑

委蛇而轉忽有人居板堵雞犬偃仰剝棕引渠出屋

頂上邑令王在鎬建 西隗山縣西六十里 金山

俗名金山尖縣西北四里為占鼇山右翼鄭迴後山

為占鼇山左翼 迴岡 後平頭 巖山縣西北十

五里上有三元廟土人于此祈夢頗驗 俞宗煥遊

履所不經予耳其名思窮其境者屢矣適同里鄭君

浩然攜榼與偕遂問途於樵子出西郭由午溪堤岸

五里至金山折而東見一峯陡出天矯若龍樵子曰

此巖山也仰睇之如在目前再行里許為松樹隴口

由隴北入為水背下石梁橫亘水聲潺湲落梁下如

跳珠戛玉旁有石坡可坐憩視巖山則又遠隔數峯

矣再進為塘隴巖山忽不見樵子曰此山麓也山分
 兩道南進則嶺透迤而路修西進則路甚陡滑然日
 南上而西下可乎子曰善山南無民居途仄泥滑泉
 出澗半瀾瀾有聲殆爾雅所謂汎泉仄出者也樵子
 曰此兩龍眼也與山左巖竇相對上有風洞深黑不
 見底每風起中作鳴聲如鬱而不得舒者然至洞
 口則扶搖直上六月生寒自澗至坪漸高漸曲歷山
 半則松濤撲地急吹沸空路轉羊腸如入台山雙樹
 門無級可拾再十餘折始聞雞犬聲見野廟塑三元
 真君像不知肇自何時先是廟久廢僅一石香爐存
 綦莽中外有焚紙庫石脚皆明代物今廟則嘉慶間
 重建者也廟離岡嶺十丈橫衣直上升其崇椒側睨
 峭壁高百仞心膽掉栗中橫縫團團如兩大磨盤相
 疊山後平疇里許彎如月鉤疇外小山連接環抱若
 屏湯山在頂楊子里河澗雪坑順源諸村落碁布星
 羅燦然在目湯山後層巒疊嶂毘湯溪界青鳥家謂
 鮑村山脈自湯溪來巖山為邑祖龍是也中分三岡
 左右有斷岐澗丈許深倍之士人傳為明季斷諸雄
 勝地舊跡予諦視之石無斧鑿痕其言殆未可信山
 偏東稍平處為齊雲觀廢址其偏西則怪石林立怒

者虎鬪企者鳥厲玲瓏像人物形者甚夥其下多洞
 秋冬春三時氣蒸蒸直上如煙霧予欲往遇險而止
 於是酌酒賦詩為之徘徊不忍去俄 石柱峯在石
 而夕陽在山樵子促歸遂由西山 下

柱原 福緣山 礮坑山 俱縣西北三十里
 坑 舊礦

橙嶺縣西北五十里 僧墓嶺在山坑五里唐時有
 僧至此圓寂經月不腐居人議葬之忽風雨山崩葬

如墓 九明山縣西北六十里界湯溪一名九龍山
 有三元 有龍潭祈禱顯應 馬蹟礮在山坑 大高

嶺扼湯溪界 九盤嶺界遂昌扼塞 玉嶺山 五
 里壇四時有風從巖竇出暑月尤勁 俱宣 志

東溪一自東隴一自樊嶺一自上坦一自小妃會於岡

山由縣東會午溪東西二溪之水中界萬山渺不相屬總會於綠巖潭 洞石潭縣東三里舊名灣口

有巨

魚千頭水漲亦不去

槐溪縣東五里自大嶺頭來 歐溪即

槐溪支流會東溪入綠巖潭 松溪入白殿潭 白石溪源發大合下三石潭 三石潭石有六不止三

其一獨大半在水頭戴古樹根破石而出一在坎地

差小其四在水灘三相連若品字一稍遠若獨立不

羣者俱縣東十五里 大合潭

俗作蛤

縣東二十五里

龍所蟄禱雨應 石鴨洞潭縣東四十里 朱坑潭

縣東四十五里禱雨均應 梁溪縣東五十里源自

渥溪流經破橋峽 梁澗潭在均塘久旱不涸水下

塌石潭 塌石潭會大坑水歷梵天寺前潭 坦溪

坦川俱上坦 五獅潭縣東七十里渠溪山四面

如獅蹲伏奔躍潭澄澈無比 黃家裏水下會順源

順源流下東溪 籙溪源發曳嶺 丁川在八都

相傳丁野鶴煉丹君子樓泉源下流於此故名 紫

陽潭 五赤坑水下馬村 白雲泉縣東南二十五

里白雲巖止一勺大旱不涸甚清冽濯不潔物流即

斷禱之復出

俱宣志

破橋峽

舊志

西溪自礮坑三十

里出溪口會小溪由縣西入午溪 潘處潭在西隅

普照寺潭治西引小溪水入曹門 芟溪自薯坑
 出入大溪 大溪會小溪由縣西入午溪 神度潭
 受壺川水流金山寺潭 金山寺潭流普照寺潭入
 午溪 午溪西二里占鼇頭山下 申溪與午溪共
 流 申溪潭 水源泉出壺山巖隙可灌田頃餘
 磨石坑潭縣西二十五里龍蟄旱禱處 三笋坑潭
 縣西三十里山石嵯峨潭深不見底禱雨應 白殿
 潭西會岡山水下東溪 三水坑松陽界禱雨應
 杉坑縣西南會竹客水源發松陽之阜會於前灣
 岡山源在縣北 樊川在樊嶺俱宣志 湯溪源於樊

嶺下流呂埠口舊志 桃溪縣北三十里舊多桃 龍
 溪 龍井峽即峽溪潭懸崖瀑布下匯為深潭有龍
 蟄旱禱輒應俱縣北四十里 俞源雙溪水縣北五
 十里一自清風嶺外來一自九龍山來兩澗合西流
 轉北經寨頭會樊嶺吳宅水下金華 上水鯉魚潭
 樊嶺西北兩山對峙左右無傍山腰一潭澄澈莫測
 鄉人所雨甚驗 丁埠頭水匯於灣口潭下東溪俱宣志
 會溪東北天院後上流 壇溪東北由上坦嶺
 來 潘家寺潭 後平頭水縣西北形如蓮花在河
 澗 雙溪縣南一里 長洲溪在縣南二里 珊溪

縣南十里

一作杉一作山

綠巖潭縣南祝村深十餘丈最

藏魚康熙甲午旱車戽救田未至底有石刻云赤烏

年車至此東西二溪總會處 何村潭 夫人潭赤

山下多魚網罟有禁上有夫人廟 洪潭縣南三十

里下金山前受隱浦水流三港 石浦坑流至章灣

會洩坑水下五赤口 曳坑 曳嶺溪下流入橫溪

俱縣南三十里 橫溪縣南五十里東會丁川下老

竹渠溪縣南七十里源自龍門坑來濶十丈許

虎蹟溪 隱浦共三港會源頭水 盤溪水 迴岡

水在鄭迴 龍湫在三潭 太傅殿潭在梁川自渥

溪至雙坑口十里許底皆石骨削平汪流澄澈無湍

激奔騰之狀 洗灘麗水接界萬山之水會於此又

會周坦水達麗水

景甯縣諸山脈來自閩之政和分二支右支由壽甯入

邑之五都上標經東溪嶺起為最上山至透天嶺迤

東分行微伏為仙殿坳旋折至蘆西嶺復北行起為

救木山又東轉為梨樹嶺次為螺黛嶺歷烏鐵巖至

石獅山擁為縣治坐山

即桂山

又北行為莘嶺至油田

湖為大幹結自救木山西迤擁正南對縣治前為香

山又西轉過慕嶺越牛嶠次為苔湖嶺歷鴉峯環峙

爲縣治水口其由上標青草隘分行者爲石佛嶺次
爲蜂桶隘接泰順界由透天嶺迤北分行經石屋嶺過馬
面巖西折爲周山洋直抵大赤坑由梨樹坳折而東
爲馬鞍嶺起爲大仰尖次爲綠桐隘與青田界又折南爲
白鶴嶺至竹埠坳以抵石牌山由螺黛分支在六都
者爲坑頭嶺次爲天塘嶺在二都者爲包山嶺其一
都右支諸山皆由青田分支入境遞折爲朱砂岡次
下爲靈栖洞復爲門潭嶺其左支由慶元入四都黃
垓隘爲玉章嶺折而爲庫頭諸山東折兼龍泉分支
入三都爲黃茅嶺又下爲七里嶺迤邐兼雲和旁支

入二都柳水濛越壟頭下爲泗洲嶺與雲和分界復峙爲

嵐頭嶺又西折至一都爲金山頭再下兼麗水分支

入境爲長山嶺過嶺入青田界

大溪發源於四都之金獅岱並合在秋盧港皆西受慶
元水會於玉章渡至毛洋過庫頭瀧其別由三都發
源者一爲黃水溪源出慶元至岱根洋合大溪經流
一爲洪源溪亦受慶元水一爲定度溪受龍泉水而
皆會於木耳口經盧溪合雲和水南行至二都與大
溪經流合爲七里潭東下過沙灣趨標溪口而會縣
南諸川流一出自四都白滌洋受壽甯慶元諸水過

葛家地而注林斗潭一出自五都入際洋合石笠東山諸水至雁溪又合魚際上標水經半溪而達於柘灣一出自大際過槎溪之隴頭出柘灣口以滙於林斗潭西行至桃樹兼合楓林附近東暉雲程口豫章坑諸水過豫章礮與大溪會於標溪潭又下左合林斜口水復折而合梧桐坑受雲和水以過梧桐灘次爲金竹口合小嶺坑乾塘坎水下爲新亭灘遞折而爲大均潭又合大均坑雲和水奔赴於灘趨至大赤坑口會而爲大赤灘並合下場坑水繞流至溪口與縣前之塵溪沐鶴溪水合流經外卸南合油田源水

北合北岸坑水而過大滙灘復下爲天師石灘又行爲鷺鷥灘下爲將軍潭由大常過平礮灘至林村口會六都獨山後水下流爲金鐘灘至一都合綠草源雲和水經小粗灘復行爲渤海灘下爲雲水再下爲大瀦潭至盧栖坑口合六都茗源王木坑並受貴苑青田界水合流過石龜潭復下左合大順源水爲大順灘又折而東北合小順源水下竹洲灘過朱村瀧再行爲徐澳灘以出鶴口由青田會枯溪水赴甌江入海其六都水別由北溪過龍潭橋合深洋水趨白鶴兼合五都東溪大白坑水下流至沙灣會東坑水

而出章坑入泰順百丈溪口以達於甌之飛雲江

桂山縣治坐山有石方正如印舊志又名石印山景志觀

釣尖縣北里許一名鶴鳥尖 莘嶺又名莘田嶺

筆架山舊志混作鴉峯大溪旁一在縣西北景志玉泉山麓有泉

滴巖清瑩如玉故名有洗心亭景志為古鶴溪洞天景志俱

縣北五里 嵐頭嶺一名洪嶺縣北十五里適府必

由最崎嶇嶺半有亭青龍岡縣北二十里山勢嵯峨兩

峯夾峙俯挹溪流麓有馬仙廟荷峯里人王汝霖荷峯

飛突見危峯起蒼翠有無間新荷泛中泚林翳迷參差星辰近尺咫俯看川野分勝或匡廬擬暮鳥相與

還羣山一齊紫懷哉豸尖尖峭明時居人避寇於此又名岩尖至今

樵牧者每掘得斷兵云俱縣北二十五里 温溪嶺縣北三十

里 朝陽洞山半有巖穴甚深敞 石尖山二峯上

下連峙秀拔雲表俱縣北三十五里 服翼巖在官

渡後山半有巖穴大可畝許多蝙蝠構廟其內以祀湯仙 俱景志

石獅山縣東北一里以形名 雙尖峽中分一峽

澗文許高壓羣山 老鷓巖在茱草圩一在縣西風穴

在楊山村水口右側窅然如巨甕當暑寒風逼人冬

則暖氣薰騰如霧 將軍石在楊山水口高五丈屹

立凌空俱東北四十里 聖塘岡縣東北五十里石

塘山後上有塘名天池中多魚人不敢毒石柱山縣東北

六十五里頂有三石屹立如柱 醮嶺山在渤海對

面亦名樵嶺奇峯峭拔 康熙間蔡林二寇犯境居人築砦於此以避之 里人陳

之東詩一峯陡絕勢崑崙俯瞰澄潭徹遠空雨濕喬林千樹碧山銜夕照半邊紅幽崖漸入鳥相語石磴斜穿路忽通絕頂相傳曾

避寇百年陳迹付秋風 鳳山與醮嶺隔水對峙

五顯巖在鳳山右懸巖峭立遙望壁間前一宦者

中一美人後則童子侍立即視之石衣斑駁而已

石稜岡在盧栖溪口亦名石林砦峭壁參天高五里

許相傳有術士藏書劍於其上 下即石龜潭 盧栖洞縣東北九

十里盧栖溪上游其下兩山連亘而空其底水從以

出中有二洞深廣數丈石牀如砥 最上為盧敖隱處 牛首

山形肖故名在大順順濟渡下 龜背峯距大順口

半里許二小阜對峙岸旁形確肖 觀音巖縣東北

九十餘里懸崖峭壁宋元豐間闢為石徑 壁有銘刻臨溪傑閣

行者 屏風山在嶺里村口山形方正石磴盤折林

憇息 木陰翳上建亭閣垣以重門資守望焉 羊巘山在

嶺里有石如鼓扣之作鐘聲又有磨劍石隱若刀痕

時有鐵漿流出 相傳昔有異人磨劍於此 雞冠山在嶺里外洋

峯形圓潤狀若雞冠故名 獅山縣東北百三十五

里石洞如獅口可容數百人 里人構廟其間以祀觀音 前有石高

圓丈餘名獅球 獅子巖縣東北百五十里以形名

前有石磴盤折直通南田為青田八九兩都孔道

劉基登獅子巖詩落日下前峯輕陰生遠林雲霞媚餘姿

松柏澹清陰振策縱幽步披榛陟層岑權花籬上明

莎雞草間吟涼風自西來颼颼吹我襟榮華能幾時

搖落方自今逝川無停波急絃有哀音顧瞻望四方

悵焉愁 烏鐵巖縣東二里聳拔秀削其第二峯尤

陡絕時雨初霽石色如鐵下有洞圓廣可容數十人

元末居民避亂 有白水濚高三十餘丈有井時有龍

於此 景志

居舊 羅岱嶺縣東二十里高十餘里下有流泉甚

清冽

景志 敕木山高接雲霄為邑鎮山積雪經旬不

消相傳宋時山神獻大木於朝故錫是名

宋高宗南 渡時女仙顯靈異運木於朝高宗大

喜降敕褒封則山神或即湯女僊也 上有石乳洞垂

石如乳中有巖穴常吐雲霧旱禱者以香薰石乳流

輒雨題曰靈液曰香泉 龕中塑湯仙像即其飛昇處

景志參舊志 陳孟素敕

巒霽雪詩同雲黯黯風怒號六花片片飛寒瑤忽見

青山變原色玉屏萬丈摩天高夕陽漏影光皎潔寶

樹奇葩盡清絕我來策杖 惠泉山高亞敕巒嶺畔

尋梅花恍若身登廣寒闕

有石扣之有聲亦名響巖俱縣東南十里 礦坑嶺

即梨樹頭縣東南二十里 石甌巖縣東南三十五

里圓如甌高數十丈 蓮花峯突起五阜 俗名五

葉蓮花 又

半里許有大石為雷劈中分為四甚奇偉 響巖大

吳山一石中分大可尋丈擊之有金石聲 鏡臺山

在茗源平疇中突起孤阜勻圓明淨俱縣東南四十

里 石鼓巖 白鶴嶺俱縣東南五十里 桃源石

高丈許旁有數石相扶若鼓架扣之鏗然歲旱土人

擊以禱雨 仙巖在桃源溪口石甚平坦金甌丹竈

形跡天然相傳昔有仙人飛昇於此 石柱峯在巖村水口 香

山舊志天對縣千巖競秀為邑勝概潘侗詩秀削芙蓉擁翠鈿四時

青送草堂前輕嵐捲日開圖 卓峯為縣案山舊志

苞鳳山縣南二里形如鳳翅 慕嶺縣南五里上有石亭

馬面巖縣南三十五里峭壁危崖俯臨絕澗鑿石

通道勢甚險峻巖畔縷痕無數亦名馬尾巖 最上

山一名上山頭巍峩為合邑眾山之祖歲旱鄉人禱雨於此

飛鳳山如鳳下翔 石牌山有石牌三平直如牌高

四五丈澗丈許俱縣南六十里 豸峽尖懸巖絕壁

峭拔千尋峯外聳二石柱上柱與峯相倚下如筍狀

凌空屹立山口有岡對峙如環有惠澤夫人廟岡脊有靈巖宮 浮

亭岡舊傳其地產蒲藤斫之至夜復續一名蒲繩岡

嶺勢高峻屈曲岡脊有亭 林墩秀拔如圭俱縣南七十

里 石耳巖最高百餘丈上生石耳巖側有泉大旱不

涸又有響巖扣之作聲舊志邑志云府舊志誤作響巖按舊志羊嶺山石如鐘

聲桃源石傍石如鼓聲惠泉山有石能響亦名響巖則山石固多響者石耳巖亦可有聲未必其為誤也

今仍 滌頭礮在龍舌滌旁礮甚雄偉有五顯廟其靈異

盧棲洞治南盧敖棲其中舊志石牛山縣西南二里

頂有巨石如蹲牛山半有八仙坑有白鶴仙遺蹟有浮邱伯釣臺潘接詩危墩奔尖

臨碧灣亭亭兀立烟霞間奇樹春深翠陰密釣臺蹟古浮雲間大化融融氣清淑掩映浮嵐浸晴旭有時

黃鶴忽飛來金衣點破烟痕綠苔湖嶺縣西南三里 鐘巖縣西

南九十里高百餘丈形似覆鐘對岡曰螺旋巖高亞

之並產巖草石印沙縣西南百七里有石高大二丈許

如印狀 鐵馬山在縣西南即金仙際四壁皆巖狀

如馬鞍形巖後復有瀑布 饅頭巖碧仙庵後石子

纍纍如饅首相傳昔設齋時有異人經過所化俱縣西南百十里

觀音崖縣西南百二十里巖洞深敞可容百餘人明季

鄉人避寇居此俗名觀音厨又隔半里許巖畔有跡如牛蹠者數

處 風洞在庫頭隔溪風自穴出夏涼冬暖細聽聲

若珂鳴 舒鳳山縣西南百四十餘里 七里嶺

三角峯高百餘仞近黃垓隘一名三角寨 豸山縣

西半里上平坦本名寨山云昔曾屯兵明知縣鍾夏

嵩以形似更今名舊有古松四株今無鴉山縣西

三里孤峯特聳儼如鴉立按舊志有潘援老鴉尖詩當指此詩云鴉峯削出青

芙蓉摩空萬丈如飛龍上有晴雲自天下依巖傍樹時相從曉來萬疊連山起映日瞳矓散文綺畫欄時

向醉中看疑是滴水巖又名石屋巖縣西二十里

飛飛翠屏裏瀕溪懸崖壓道飛瀑砰訇從路外飄濺溪石間遙望

如雪巖下如屋往來休息容數十人巖側有削壁俯流為陳烈女殉

節 鎮龍山縣西二十五里自村後山尖蜿蜒而來

平岡環列村左突起危巖孤高峭拔峙於水濱下游

即浮傘渡為鶴西勝蹟上建大士閣故名觀音閣巖麓為浮傘祠里人徐俊

秀鎮龍山最高頂記均川西南隅有山聳峙自雅尖

迤邐而來長流如襟帶回環其下峻壑崇巖有峯突

出嘉樹芳草茂密紛披前人因其雄勝鑿石建樓其

上所謂大士閣者是也攀援而上則絕頂云此雖目

前之所及而游覽者視若蜀道每自樓而返余於山

水之間縱極幽寬茫無途徑而乘危履險咸以絕頂

為快况已陟其閣而不登其巔不幾為山靈所竊笑

哉是日也荆棘牽衣怪石披面猿臂相引一步一驚

亦幾幾乎不可上矣而黽勉而行卒乃得上北顧狂

流之奔放慨然想見逝者如斯東俯人烟鑠堞吾廬

亦在其中南望水口桑麻掩映西則界道箬溪行人

往來問津喚渡柳子評山水曰曠與奧斯蓋於奧如

之中獨闢曠如之境回憶向時僅登其閣

遠謂已盡其勝者其識見之相越為何如

卓標巖

標溪村口兩水合流一峯秀峙 豫章礮村外礮極

平敞石壁如削林木蔚然巖腹有社廟前挹溪流 石佛

巖縣西八十里壁間特起一石身首宛然顧視村中

因呼石佛山左又有巨石憑空脚插溪流 伏獅巖

與沙灣對起伏迴顧形神逼肖巖半有穴廣丈許如

張口 將軍巖在橋頭村左右二石矗立高數丈俗

稱石將軍今存其一 昇仙巖縣西百里一山橫亘

即橫麓間兩山對峙如門中巔懸巖矗起層折而上

若百級浮屠溪流如鈎環出其後旁小閣曰上天殿即孝仙飛昇處

洪厓峯縣西百二十里危峯壁立其下石溜一線

緣崖盤注有亭若料峯在箬寮以音相近名萬仞摩

空清泉一窪溢於峯頂旱禱有驗 馬頭山黃茅嶺

界龍慶高可二十里昂起若馬首多麋鹿不可捕崖

洞間有石鼎人謂白鶴仙神靈所棲旱禱多應鄉人常於

七夕歛香楮稱祝老鷓巖在木耳山俱縣西百六十里

浣紗潭鶴溪上游 沐鶴溪環縣治前別受後溪水匯

於豸山之麓世傳浮邱伯沐鶴於此潘援詩沐鶴仙人去不還沐鶴

溪水清且閑細柳青青照晴沚落花點點淨滄瀾我來訪古尋仙址逝者如斯契深理振衣吟嘯過芳洲

綠陰白鷺驚飛起塵溪縣南五里至豸山趾流入鶴溪舊有

塵嶼溪命名本此蘆隈茅硯諸勝今並失遇旱可壘所在宋學士秦觀訪壘上人過此 景志

堰灌田舊志龍舌澗在大澗溪間有石狀肖龍舌清

流奔注儼如噴珠 大澗瀑縣南六十里在村口高

五十餘丈懸巖直下細如輕霧水流槎溪 雁溪潭

縣南九十里村尾滙上標澗水舊有陽鳥集此故名

木杓潭縣東南二十里獨山後坑下口圓窄而底

深廣狀如杓 澗門縣東南四十里深洋水口溪間

坦石中窪成潭瀑噴如雨其旁近巨穴無數深邃莫

測疑為龍穿云 沙灣潭縣東南白鶴溪下游甚深

廣一名金雞潭 大仰湖縣東南四十五里山頂開

一平湖大旱不涸又名蓮花湖 桃源溪縣東南五

十里在村外溪水澄靜桃花夾岸 龍腦潭縣東南

六十里在王木阮懸巖絕壑間泉聲咽石恍若龍吟

上有橋明時建龍首關於此 白水澌在烏鐵巖左高三十餘

丈下有龍井 黛嶺泉螺黛嶺側 釣潭縣東北七

十餘里大瀨下游岸旁有小沙阜俗以為米鹽二倉視增減以卜年之豐歉 蟄

龍潭縣東北百五里嶺里外洋口有洞水注之深不

可測相傳下為蛟龍所居里人鐫其壁曰龍潭秋月

橋樓澌縣東北百三十里金山口內有橋樓故名

高十餘丈噴瀑如飛景志 盧棲溪響巖東溪上巖洞

甚奇通志引天中志屬宣平今屬景甯 玉泉玉泉山麓昔有僧作

亭道側以憇行人闢地得泉遂鑿為井底皆石齒粼

粼水色清瑩如玉味甘美 莘嶺泉巖罅有泉流注

色甚清瑩因鑿為池舊有洗心亭嗣改建武安王廟外名洞天門為入境之勝 俱

縣北五里 油田湖縣北十里周圍皆石其深無底

相傳與城東烏鐵巖洞相通其外一湖在圩口大溪

旁並廣而多魚 天師石潭在滙邊溪中甚深廣有

巨石矗起水間周圍方正高四五丈大畝許昔有漁

人曾至其下云石足同鼎峙中空若覆釜 滙頭嶼

在邑下游大溪中二港分流濶凡數畝於桐始華時

羣魚皆誕育於此 龍隱潭縣西北三十五里潭甚

深巨昔傳為龍所居禱雨多驗有龍神廟 金鐘湖縣西

北四十里上下凡二下者尤深廣多魚 仙姑潭縣

西北八十里清澈澗洄有致中多頑石相傳昔有異

人經過所投云景志 雪水 雙溪口雪水順流至此

會於青田俱舊志 三重澗縣西五十里包山水口澗

凡三落高數十丈飛泉噴雪下注深淵 鷓鴣潭縣

西百里廬山昇仙巖下舊有泉飲可愈疾後震為潭

中有魚不可網俗傳為神魚 羹湖在廬山嶺後殿

舊為馬孝仙故居 石液泉縣西百四十里嶺根道旁石壁

橫裂兩縫泉自縫出以葦葉插縫引泉一石盤注之

甘冽無比夏冷冬溫初無增損相傳昔有丐者入村

求飲不得出刀割石今刀痕猶存長皆三四尺俱景志

大均潭邑上游大溪水多急瀨惟此潭停繞數里

中多魚渡口即馬孝仙浮傘處岸旁懸巖秀峙上建大士閣 龍井潭縣西南

七十里小左溪上游受大澗水周圍石壁天成方正

似井深不可測羣魚聚此欲上如登龍門焉 庫下

湖水色澄鮮深不可測 流水澗在庫頭村尾高百

餘丈飛泉飄引有如輕霧 印礮在庫頭溪中兩石

高峙方正似印上有石印亭又水口廟前有石龍插入溪中如蒼龍吸水昂頭欲飛狀

俱縣西南百二十里 蓮埠頭湖雖旱不涸 上標

際在村口高百餘丈瀑布飛空如銀河自天而下

金仙際在大地村口高數十丈上下三潭多鯉每遇

驟漲一幅高飛其瀑尤勝俱縣西南百十里 石印

潭縣西南百三十里毛洋溪中一巨石方正高二丈

許浮出水面

大滙灘東下五十里大石錯立形如犬牙水行峽中如

雷下有獨石高四五丈屹立湍流中稟紀有 龕

灘 蜈蚣灘 大釣灘 金鐘灘 彭坑潭 北溪

石屋泉 彪溪 盧山水 下場坑 大赤溪俱舊

志

處州府志卷之三終

